

1

D E
ROMANI AERIS
SALVBRITATE
COMMENTARIVS

Auctore
MARSILIO CAGNATO MEDICO.

Ex Cagato

D. Laurentij Rubi



R O M A E,

Apud Aloysium Zannettum M D I C.

SUPERIORVM PERMISSV.



D. Laurentij Rubi

Imprimatur si videbitur Reuerendissimo Mag. S. P.
P. Episcopus Rauellen. Vicesgerens.

Ego Iulius Cæsar Galla in Sacra Theologia licentiatu de
mandato admodum Reuerendissimi D. Patris Magistri Sacri
Palatij legi Commentarium de salubritate aeris Romani .
D. Marfili Cagnati Veronensis quod eruditum satis atque
varia & vtili lectione refertum comperi nec vilo errore circa
fidem aut vlla erroris suspitione notandum censui, quare &
dignum editione reputeo & lectione.

Iulius Cæsar Galla.

Imprimatur.

*Fr. Angelus Brixius Cæs. Reuerendissimi P. Magistri
Sac. Pal. socius.*

P E T R O
ALDOBRANDINO
CARD. AMPLISSIMO,
CLEMENTIS VIII.
P O N T. M A X.
N E P O T I.



MARSILIUS CAGNATVS S.P.D.



ES meas a te, pro tua singulari humanitate, Princeps optime, plurimi fieri, nec semel, nec obscure significasti. Litterarum studium iam inde a teneris adamasti, & diligenter coluisti. Doctos viros dilexisti, & ex ijs selectos qui apud te viuerent, amplissimis muneribus inuisti. Ac tandem nihil a te prætermisum est, quo intelligi possit, optimarum artium culturam tibi esse, Principum more præstantium, mirum in modum commendatam. His ergo de causis consilium (opinor) meum nemo damnauerit, qui commentationem hanc qualemcumque in tuo nomine apparere, decreuerim. Sed accedit,

A 2 am-

amplissima tua auctoritas, qua prorsus indiget argumentum & nouum, & (vt aliqui fortasse dicent) *πρότερον*, quomobrem debet robusto pedamento muniri, vt consistat, ac ne onere præsertim nouitatis, & præiudicæ opinionis opprimatur. Non vtar autem pluribus, vt tutelam hanc tuæ summæ humanitati commendem, ne videar parum mihi constare, & ea præsens ignorare, quæ de tuis præstantissimis virtutibus a remotioribus quoque gentibus prædicantur. Vale. Romæ.

DE ROMANI AERIS⁵ SALVBRITATE

COMMENTARIUS,

Auctore

MARSILIO CAGNATO MEDICO.



*Q*UOD aqua piscibus, hoc cum reliquis
viuentibus, tum ipsis hominibus aer
est; utque quod sunt aqua puriores, &
lucidiores, eò pisces nascuntur in eis
suauiores, & salubriores, ita quod est
aer purior, tenuiorque, eo magis, ut alijs
viuentibus, sic ipsis hominibus salutaris est: quapropter
nemini mirum videri debet, veteres naturalium studio-
sas arcanorum, necessarium maximè usum horum ani-
maduertenteis elementorum; & ideo deceptos; existimas-
se hos, animam nihil esse, nisi aquam, ut Hipponem, il-
los nisi aerem, ut Diogenem: cuius opinionem serè secu-
tus Ennius ipsum aerem vocauit animam, ut M. Varro
testatus est, cum libro priore de re rustica, inquit: Eius
principia sunt eadem (de agrorum colendorū scientia sermo
erat) quae mundi esse Ennius scribit, aqua, terra, anima, &
Sols sed ipse Varro aerem vocauit animam lib. 5. de lingua
Latina, cum dixit, biemem ab biatu dictum, quod tum, ani-
ma, qua

ma, quæ flatur, omnium apparet. Immo Lactantius lib. de opificio Dei. cap. 17. ex Varrone dixit, Animam esse aerem conceptum ore, defeructum in pulmone, tepefactum in corde, diffusum in corpus (quæ falsa sunt omnia, ut idem ait Lactantius) Sanè qui agrum empturus est, qui ades, qui urbem est edificaturus, de Aeris salubritate in primis sollicitus est. Idem Varro, utilissimus, inquit, is ager, qui salubrior est, quam alij: quod ibi fructus certus. Contra, quod in pestilenti calamitas (quamvis in feraci agro) colonum ad fructus peruenire non patitur: etenim, ubi ratio cum orco habetur, ibi non modò fructus est incertus, sed etiam colentium vita. Omitto, quod ante hunc M. Cato de re eadem scripserat, & repetit Columella, & ceteri rerum rusticarum auctores. Vitruvius verò tam in privatis edificijs, quàm in publica ædificiorum collocatione, regionis salubritatem primum, & maximè Architecto commendat. Nec aliter sensit Strabo, cum lib. 2. negavit, probè domum, aut urbem fundaturum, qui ignoraverit Cali regiones, figuras, magnitudines, calores, & frigora, & huiusmodi. Quid ergo miramur, Hippocratem medicinæ studiosos in primis admonuisse, ut in curanda hominum salute regionis habeant rationem? hoc sanè vno verbo in aphorismis commendatum, explicavit latius in secundo lib. de dieta, latissimè verò in eo, qui inscriptus est, de aere, aquis & locis. ita tamen, ut medentibus reliquerit (qui precipuus maximeq. utilis laqor est) observandum, cuiusmodi ea sit regio cuiusmodi is aer sit, in quo medicinam facturus versatur. Propterea cum (nescio quo arcano Dei O. M. consilio) Veronæ

7
 ronensibus meū relictis, iam annos plures triginta medi-
 cinam Roma faciam, suscepta quoque, Summorum Ponti-
 cum beneficio, provincia medicam facultatem publice inter-
 pretandi, in id etiam, quantum potui, diligentissime incu-
 bui, ut Romani aeris naturam, & vires agnoscerem: quid
 in eo vitij, vel bonitatis inesset, quibus cultores morbis
 obnoxios redderet, vel quibus curandis egritudinibus au-
 xiliaretur: Si quidem vulgatum est capitis ulcera felici-
 ter, crurum verò difficulter sanaris vno verbo salubris sit,
 an insalubris appellandus. De qua re noui, scriptum quidem
 aliquid à viris doctis quibusdā, sed res indicabit ipsa, meam
 nō solū non superuacaneam, verū necessariam operam fuisse,
 qui in animum induxerim, ea litterarum commendare mo-
 numentis, quæ ego interim ipse animaduerti. Quamuis, ut
 ea scriberem, non tam proprio sum adductus consilio, quam
 quorundam hortatione amicorum, quibus cum aliquando
 (sunt enim viri profecto doctissimi) de re eadem, contra
 illam, quæ vulgo habetur, de Romani aeris salubritate,
 opinionem, disputavi. Sequar autem vulgatum differen-
 tium morem. atque exponam primò, quæ de Cælo Romano
 iactantur vulgo, deinde aperiā, quid mihi cum rationi-
 bus, tum experimentis, & auctorum testimonijs persua-
 sum sit, postremo contrariarum momenta rationum exa-
 minabo. Quæ igitur vulgo feruntur ea sunt. Idque in
 primis, quod passim pleno ore medici resonant, Cælum Ro-
 manum destillationibus obnoxium esse Galeno auctore, qui
 hoc lib. 2. c. 6. de temperam. & lib. 5. methodi. c. 9. diser-
 tē scripsit: licet aliqui diligentiores in 5. methodi pro
 quo

quo locus, legant ^{ratio} quo modus significatur: sed hoc non efficit, quin ea fuerit Galeni de hoc loco opinio, cum in 2. de temperam. tam dilucidè hoc affirmauerit, vt nullus sit relictus dubitationi locus. Sed & qui attente Galeni orationem in 5. methodi examinauerit, intelliget, consentaneum esse magis, si legatur, loco, quam, modo: nam cum dixerit, fieri pulmonis nonnullas affectiones Roma maxime (scilicet non contentus, dixisse, Roma, adiecit, maxime) fuit reddenda eius sententiae ratio: sicut igitur in 2. lib. de temperam. ita in hoc quoque loco, dixit, esse humidioris loci naturam, cumque sit sermo in eo loco Galeno peculiaris de ossium thoracis putredine, quam facit pus, quod in thorace suppuratorum continetur, fuisset alienum dicere, putredinem eiusmodi modo rheumatico fieri, siue more destillationis, sed sit propinqua partis contagio, quod omnino à destillatione diuersum est: facit autem aeris humor nimius circumstans, vt facile contagies illa communicetur, quoniam ossa humore nimio putredini obnoxia maxime redduntur. Nec erit alienum loci eius fidelem interpretationem afferre, cum Linacri interpretatio minus exprimere Galeni sententiam videatur, qui non priuatim de Roma loquebatur, vt ex Linacri versione accipitur, sed vniuersè, & promiscuè, & inquit. Etenim nouimus dispositiones huiusmodi in thorace non raro consistere, Roma maxime, qui locus est destillationibus obnoxius quamobrem necesse fuerit os laborantis excindere. hæc Galenus, atque vt sit promptum studiosis cum Græcis Latina conferre, non pigebit ipsam Galeni Græcam orationem transcribere ἵνα, καὶ δι' αὐτῆς

τῆς τοιαύτης διαφόρης ἐν ὁσέων συνισταμένης οὐκ ἡλιθίας, ἐν Ρώ-
 μῃ μάλιστα, τὸ πνευματικόν, ὡς ἀναγινώσκοντες τὸ πνευματικόν ἐκκρί-
 νουσι. Est igitur (*ut redeam vnde huc diuerti*) Roma lo-
 cus destillationibus obnoxius, *ut ex Galeno iactatur*, pro-
 ptereaquod aer est humidior iusto, & praeterea crassus, &
 caliginosus est (*ut quidem asserunt*) item calidus, quip-
 pe australis, inaequalisque, & idcirco insalubris, morbi-
 dus, atque pestilens, namque humoris nimij cum calore
 soboles pestilentia est: quapropter mirum non sit, in vrbe
 creberrimè, & ~~p~~ breuia annorum intervalla (*ut in eius-*
dem vrbis annalibus legitur) pestilentiam grassatam esse:
 nam singulis fere decēbris morbus hic urbem inuadere so-
 litus est; hoc enim proditum est de anno vrbis conditæ cccx.
 ccci. cccxviii. cccxix. cccxxi. cccxxvii. cccxliii. cccclvi. cccclx
 iij. cccclxxij. cccclxxxix. cccxcxi. cccxciiij. ccccvi. ccccxx.
 ccccxxix. ccccxl. ccccclviij. ccccclxi. ccccclxii. ccccclxxvi. ccccclxx
 xxiix. (*omittimus reliquos quoniam historiam non texi-*
mus, hos verò tamquam exemplum ad rem illustrandam
satis est attulisse.) *ut appareat, intra annos ducentos, nem-*
pè à cccx. ad ccccxc. pestilentiam vicies, & bis urbem as-
flixisse, argumentum satis efficax ad docendum cali Ro-
mani insalubritatem. quam etiam indicant diuersa mor-
borum genera, quæ videntur adeo in vrbe frequentia, ut
consentaneum sit existimare, ab huius aeris vitio produci
(si quidem Hipp. communes & populares huiusmodi mor-
bos, atque pestem ab aere inquinamenti pleno proficisci,
professus est, ut docuit lib. de flatib.) scilicet ad ea, quæ
 decantata sunt ex Calio Aureliano, quæ prius ab Asclepia-

B

de tra-

de tradita facere, nempe febres cum delirio, & sopore, item incubos, de quibus Silimachus, & semitertianas, de quibus Galenus Com. 2. in primum. epidem. & lib. de morborum temporib. c. 8. ad hæc, inquam, podagra frequentissima est, coxendixq; & omne artuum doloris genus: frequens item est calculus, tum renum, tum vesicæ, item sanguinis sputum, tabes (qui duo affectus sæpe sola aeris mutatione sublatisunt) et furor. Alexander Petronius autem, medicus Romæ celeberrimi nominis, lib. 4. de victu Roman. tria morborum genera, tamquam Romæ vernacula, notavit, & multis exposuit, Capiplenium (hoc enim aptè finxit vocabulum,) expletionem, languorem, siue celerem virium defectionem, quos affectus profectus est ab aere proficisci crasso, denso, tepido, frequenti flatu, & vehementi, pleniorque victu, quo qui Romam incolunt, necessario vtuntur, ob vim debilem alimentorum, cum alioqui hac copia eruditatem, & languorem, qui modo dictus est, producat. Alimentorum autem imbecillitatem docet hoc primum, quod agri coguntur vberius hic, quam multis aliis locis nutriri, quodque Hispani, copioso Romæ cibo, propter imbecillitatem, adsueti, vbi in Hispaniam redire, adducti consuetudine, parem illic ciborum copiam asfumentes; qui longe magis, quam nostrates, nutriunt; cum eos superare non possint, in graves cito morbos incidunt, & pleriq; moriuntur, quod eo maxime intelligitur sic euenire, quoniam paucis post annis eadem à Summis Pontificibus Sacerdotia, prioribus defunctis possessoribus, impetrantur, Alimenta vero imbecilliora, quam alibi, Romæ esse, ideo profi-

profitentur, quoniam cum sit aer humidus, vel ea hic nascantur, vel aliunde huc importentur, ipsa quoque bumescent, macerantur, mollia, fluidaq; efficiuntur. Certe proditum est ab Hippocr. lib. 2. de dieta; alimeora locis riguis nata leuius alere. Sed & cultorum corporibus idem accidere, videtur necessarium. Romanum vero humidum, crassum, densumq; aerem esse, facile quisq; sibi persuaserit, qui situm urbis respiciat: & obseruet, eam editis collibus ita circumdatam Vaticano, Ianiculo, Pincio, Capitolino, ut in quadam veluti conualle locata sit, & amphitheatri speciem veluti exhibeat: quamobrem par est, humorem multum, vapores, inquam, crassos, densosq; multos in hac planitie concludi. Nec propterea salubrior est montium habitatio, cum vinitores, & sacrarum adium, qua in montibus sunt multa, ministri, &, qui illic habitant, ceteri crebro, & grauius egrotare consueuerint, quapropter nunc etiam grauis aer videtur, in quacunq; urbis parte verseris. Accedit agri Vaticani, ob insalubritatem infamis, habitatio frequens, & undique, ob edes Pontificias, ad eum locum concursus, quod noxium omnino videri debet. Est praeterea obseruata magna huius aeris varietas, & inconstantia, & crebra in contraria mutatio, quam facile ferre natura hominis nescit, Galeno auctore lib. art. med. c. 86. & Hipp. lib. acutor. secundo; Idemque lib. de aere, aq. & loc. visus est illas regiones damnare, in quibus tempora magnopere, ac creberrime mutantur. Sed Tiberis quoque insalubritatem huius aeris indicat, ut in parte efficit, nam saltem eam, quam alluit partem vapo-

B 2 ribus

ribus inficit, quos esse, perinde ac stagnorum, insalubres, non Celsus tantum lib. 1. c. 2. & Hipp. lib. de dieta tertio significauit, sed ipse Homerus quoque tradidit, si Plinio credimus, lib. 1. c. 6. Hi namq; fluminum auras, aque ac stagnorum, damnarunt, & Strabo lib. 5. Geograph. testatus est, Pastum Oppidum in extrema Italia fuisse fluuij propinquitate insalubre. Accedit his vulgata de huius aeris insalubritate inter Principes viros fama, qui estate, & autumno consueuerunt Roma, tanquam insalubri, vel se recipere in oppida, & villas, vel alias adire vrbes, quarum constat Calum esse clementius, & salubrius. Testimonium quoq; dat huius aeris insalubritati senum, qui Roma sunt, numerus per quam exiguus: nam crebra, grauesque agitudines, à quibus iuniores interimuntur, insalubritatem aeris demonstrare videntur. Neq; non venientium ad urbem multorum interitus, qui hoc solo nomine interire existimantur, quod Celi Romani grauitatem ferre non possint. Postremo & illud eiusdem rei argumentum videri potest, quod Plato dicebat, vbi leges multe, ibi & crimina multa, & vbi medici multi, ibi & morbos esse multos. Roma sunt medici magno numero, ergo magnus morborum numerus, quorum causa potior aeris insalubritas videatur.

Nescio an aliquid reliqui sit, quo Romanum hoc Calum in suspicionem insalubritatis venire possit. Iam locus exigat, vt quae videntur posse aliud docere, exponantur, atq; in primis describendus est vrbis situs, tum nouus, tum antiquus, quod videri potest totius edificij fundamentum, deinde Ciuium species, & valetudo expendenda; ex his enim

non


nō ex alijs, de aeris huius salubritate, et in salubritate licet cognoscere, et iudicare. Erat igitur in montibus olim septē celeberrimi nominis vrbs locata (septēq; vna sibi muro circum dabit arces) qui sunt montes inter se fere pares altitudine, atque ita dispositi, ut si Capitolinū, rupēq; Tarpeiā ascendas, conuersus ad meridiē Auentinū aspicias: quē inter et Capitolinū est, sed a meridiē versus ortum hibernum declinans, Palatinus, quem vltra Calius iacet. Ad ortum vero æquinoctialem conuersus Exquilinum cernas, & ad æstiuum; Viminalē videas a sinistris quem sequitur Quirinalis magis vergens ad Septentrionem. Ex eodem vero Capitolino retro conuersus ad Septentrionem, & Occasum videbis latē patentem planitiem, quam prisci Campum Martium appellarunt, quæ Tiberi alluitur ad Occasum, & Colle hortulorum clauditur ad Ortum, & Vrbis mœniji ad Septentrionem; Hacque pars septimā, & nonā regionem (ut olim erat vrbs in xiiij regiones distributa) continebat. Vltra Tiberim ad Occasum noua vrbs olim, & primum dicta Leoniana, nunc vulgo Borgo appellata, in agro Vaticano posita est. inter Occasum verò, & Meridiem vltra Tiberim similiter regio posita est quartadecima Transiberina, planitiem occupans interiacentem Tiberim inter & Ianiculum. Hicq. tum veteris, tum nouæ vrbis est situs. Veterem voco, quæ fuit in montibus, nouam, quæ in Campum Martium translata, & in agrum Vaticanum, & nunc frequentior habitatur. Veteris autem sola colitur regio Transiberina, & planities inter Capitolium, ac Tiberim iacens,

& altera inter Capitolium, & Collem Quirinalem, ac
 Viminalem: nam reliqua regio in montibus deserta, &
 sacris exceptis aedibus, omnis est vineis dicata. Vetus
 autem habitatio fuit olim aedium amplitudine, & magni-
 ficentia potius, quam dispositione earundem, ac viarum,
 semitarumque spatijs, ac bonitate spectabilis, quod nos ip-
 se docet M. Tullius in illa de lege agraria contra Rullum,
 dum Campanorum superbiam luderet, inquit, Romam
 in montibus positam, & conuallibus, canaculis sublatam,
 atque suspensam, non optimis viis, angustissimis semitis,
 præ sua Capua, planissimo in loco explicata, præ illis semi-
 tis, irridebunt, atque contemnunt. hac ille, quibus doce-
 mur, non adeo potuisse laudari urbis dispositionem. Aedium
 vero laxitatem, & magnificentiam, quæ supersunt ruinae
 indicant, & Plinius lib. 36. cap. 15. egregie descripsit, in-
 quiens, M. Lepido. Q. Catulo Coss. ut constat inter diligen-
 tissimos auctores, domus pulchrior non fuit Roma, quam
 Lepidi ipsius. At Hercule intra annos triginta quinque ea-
 dem centesimum locum non obtinuit. Computet in hac æsti-
 matione, qui volet, marmorum molem, opera pictorum,
 impendia regalia, & cum pulcherrima, laudatissimaque
 certanteis centum domos, posteaque eas ab innumerabili-
 bus alijs in hunc diem victas. his aedium Plinius magnifi-
 centiam descripsit, cum qua tamen viarum, & semita-
 rum non erat species comparanda, quod præter dicta à M.
 Tullio, eo quoque intelligitur, quod de Nerone proditum
 est à Suetonio, quasi offensum deformitate veterum aedifi-
 ciorum (scilicet ita Neroni videbatur, cuius luxuriam

cunctis orbis terrarum non explebat) & angustia, fle-
 xurisq; vicorum incendit urbem, &c. Quae verò nunc ha-
 bitatur, ipsa quoque laxitate aedificiorum, & magnificen-
 tia, sed aedificandi ratione, viarum amplitudine, restitu-
 dineq; & reliqua dispositione (quod antiqua urbi defuit).
 spectanda est, & (quod ad rem nostram pertinet) sanita-
 ti conservandae conducit, uel magis, quam vetus habitatio,
 ut posterius dicitur. Sed non videbitur situs urbis cumu-
 late descriptus, nisi cum ipsa vniuersitate comparetur. Ita-
 que sumemus è fideralis scientiae auctoribus, Romam ab
 insulis Fortunatis (quod longitudinis ciuitatum, & op-
 pidorum initium statuunt) distare gradibus triginta sex
 cum semisse fere: ab Aequatore autem (quod dicunt esse
 principium latitudinis) distare gradibus fere quadraginta
 duobus, quot etiam ex ea polus supra horizontem elatus
 conspicitur. ex his vero comperimus, urbem Romam in
 Italia parte media sitam esse tam secundum latitudinem,
 quam longitudinem: sed quoniam de de latitudine videri
 potest difficultas, cum Roma tam propinqua sit mediter-
 raneo vocato mari, tam verò ab Adriatico remota, in-
 ter quae duo maria pars Italia maior excurrit: scire
 licet, in Orbis terrarum descriptione, ut locus, & flumi-
 na, sit quoque maria comprehendit, itaq; si Italiam sumas
 totam, & maris partes vnicumque ad eam pertinentes, ea
 locum in latitudine exacte fere medium obtinuit, quod hunc
 in modum demonstrari potest. Constituatur figura quadrang-
 ularis; cuius latus vnum ducatur per extremum Italia
 promontorium ad metidem Leucopetram (hodie vocatur,

Capo

Capo dell'armi) & excurrat ulterius versus solis ortum;
quantum ultra Leucopetram porrigitur Iapygium promon-
torium (hodie vocatur capo di S. Maria) & ex altera parte
ducatur idē latus ad alterum Italiae extremum, qua scilicet
amnis V'arus Italiam ipsam à Provincia Narbonensi seiun-
git, sitq; linea. AB cuius longitudo sit partium quindecim



cuiusmodi trecentum sexaginta partium est totius terre am-
bitus, scilicet à gradu vigesimo nono, ad quadragesimum
tertium, ut numerantur ducto ab Insulis fortunatis initio,
ut ante dixi, huicq; parallela ducatur altera linea per ex-
tremos Italiae fines ad septentrionem (nam prior spectat
ad meridiem) puta per Tridentum; sitque eiusdem figura
latus, CD, Deinde iungantur hec latera duabus item pa-
rallelis lineis, quae sint in eadem figura duo latera. BC,
AD, quae singula sint partium similium septem, & semissis,
scilicet à gradu trigesimo nono, ut à Ptolomeo proditum

est,

est, usque ad gradum quadragesimum quintum, cum semisse : cum vero dicta sit Roma posita sub gradu longitudinis trigesimo sexto, & semisse; & latitudinis quadragesimo secundo : diuisis lateribus, AB, & CD, in parteis quindecim, ducatur à puncto E (qui est gradus longitudinis trigesimus sextus cum semisse) parallela E, H, lateribus AD, CD, secabunt se mutuo hæc duæ lineæ postremo ductæ nempe E, H, & F, I, in puncto G; quo loco Vrbs posita est, & est proposita figura locus in latitudine exactè medius: nam si à puncto F, lineam ducas F, G, bifariam diuiseris lineam E, G, H. Secundum longitudinem autem Crassiore quadam ratione locus medius dicetur in puncto G, quoniam satis magno intervallo distat ab extremis F, I. Est autem Roma quinti Climatis locus medius, cuius tum dies, tum nox longissima horarum est quindecim. Non dicam esse ex Astrologorum opinione subiectam illi parti, quam in circulo vocato zodiaco, Leonem appellant, quoniam herere sensibus malumus, quam opinionibus. Constat autem duo esse climata omnium temperatissima, Gal. ad 3. aph. 16. laudauit, quod per Cnidum, & est idem, quod per Rhodon ferri dicitur, & vocatur quartum, & lib. 2. de temperam. c. 6. laudauit suam regionem (que in confinio est quarti, & quinti climatis) temperatam esse professus. At Auerroes lib. 2. coll. c. ult. quintum clima temperatissimum esse docebat. Ergo, si vniuersitatem spectemus, Roma posita est in temperatissimo climate quinto, & in huius quoque parte media: atque si solam Italiam spectes, posita quoque est (ut ostendi) in media eius parte.

C atque

atque adeo cordis instar loco positam nobilissimo proficere
valemus, quamobrem (quicquid Straboni visum sit, qui
lib. 5. scripsit, necessitate potius, quam consilio Romam
hoc loco positam) vel sapienti conditorum consilio; vel cer-
te divina providentia effectum est, ut hic locus ad habi-
tandum eligeretur totius Italiae imperio obinendo, atque
regendo aptissimus, ut è corde virtus animæ corpus guber-
nat univrsum. Huic profectò vrbi, nec soli feracitas,
nec maris (quod quindecim tantum millibus passuum di-
stat) nec fluvij opportunitas deest; qui conditores invisa-
vit, ut Palatinum, & Capitolinum, angustò à Tiberi di-
stantes trāmite, primum habitarent; est autem cum ma-
ris, cum fluvij eiusmodi opportunitas, ut ex omnibus uni-
versis Orbis terrarum regionibus commodissimè, & Utilis-
simè annona huc importetur. Vitruvius hanc probavit
sententiā lib. 6. c. 1. inquit; Placuit, ut inter spatia
totius orbis terrarum, regionumq; medio mundi, Popu-
lus Romanus possideret fines; namq; temperatissima, ad
utramq; partem, & corporum membris, animorumq; vi-
goribus pro fortitudine sunt in Italia gentes, quemad-
modum enim Iovis stella inter Martis ferventissimam, &
Saturni frigidissimam media currens temperatur; eadem
ratione Italia inter Septentrionalem, meridianumque ab
utraque parte mixtionibus temperata, & inuictas ha-
bet laudes; itaque consilij refringit Barbarorum vires,
forti manu meridianorum cogitationes; Ita Divina mens
civitatem populi Romani egregia, temperataq; regione col-
locavit, uti orbis terrarum imperio potiretur. hæc ille,

Distis

Dicitis verò consentaneum est statuere, si vniuersitas
 spectemus, urbem loco positam saluberrimo, quoniam
 in media mundi regione temperatissima; ac si cui hoc ar-
 ridet, addatur, Vere quoque medio nempe vndecimo Calen-
 das Maias, edificari ceptam; ut huius loci temperies om-
 ni ex parte dignoscatur. Vtrum vero tunc Sol taurum
 Luna libram, Iuppiter pisces, Saturnus, Mars, Venus,
 Mercurius scorpionem perambulant, ut veteres re-
 rum Romanarum scriptores, auctore Tarutio mathemati-
 co, prodiderunt, hoc ijs cura sit querere, quibus Chaldeo-
 rum arriident commenta. Illud sideralis scientia studiosi
 statuerint, Venus, & Mercurius potuerint ne scorpionem
 perambulare, Sole taurum subeunte. Sed proditum est
 quoque a M. Tullio lib. secundo de diuinatione, ex eiusdem
 Tarutij auctoritate, tunc fuisse Solis, & Lune congres-
 sum: & eum quidem edypticum fuisse, a Plutarcho in Ro-
 mulo scriptum est. quem locum male accepit Lapis Floren-
 tinus; cum ait, Lunam defecisse: Atqui in Nomilunijs Sol,
 in Plenilunijs autem deficit Luna. quod, qui vix de limi-
 ne salutaris Astronomiam, ignorare non potest. Sed non
 prateribo, que loco eodem Plutarchus scripsit, hac quidem
 fortasse, & huiusmodi, quia peregrina sunt, & magni-
 fica, allicient illos magis, quam quia fabulosa, perturba-
 bunt, qui in ea inciderint. sed hac haecenus. Cum verò
 Hippocrates, & Aristoteles Annum salubrem dicat illum,
 cuius Vere, Æstate, & Autumno tempestiuè pluerit, &
 Hiems neque nimis rigeat propter gelu, neque immodicè
 caleat: summamq. ambo velint, Annum salubrem esse,

qui sit tum calore, tum frigore temperato, et humore pariter, ac siccitate temperata: etenim pluvia modo dicta, temperat ardorem aestiui temperant, & moderantur, & siccitatis vitium emendant. Simili ergo ratione, cur non eam salubrem dicamus regionem, in qua vis nulla caloris, aut frigoris, humoris, aut siccitatis cultores exerceat? Sane Rome frigus non adeo pollet, ut pellium usum vulgò necessarium efficiat, ut in regione Traspadana, nè de Germania dicam, & similibus locis Neque calor aestiuus tantus est, ut a priuatis, publicisque muneribus homines arceat, et in umbra toto die cogat requiescere. Quodsi Aestate in meridie, ac tribus ferè horis ante, & post meridiem ardor percipitur, matutino tamen, & vespertino tanta est plerumque temperies, ut ardorem meridianum faciat tolerabiliorem, & noctes plerumque frigida, quinimo frigidiores, quam in locis Transpadanis (quod aliquis fortasse mirabitur) diurni molestias ardoris mitigant: crebrique sunt aestate tum aquilonij flatus, etefias Graeci vocabant, tum occidui. Rara aestas sine pluuijs: quae non semper noxiae sunt, ut vulgus putat, nam cum vere pluit, aestate imbres salutares veniunt, nec (ut dicunt) aestum ingeminant, immo temperant, quod si copiosifiant imbres per aestatem, ne quis existimet, hoc esse Romae peculiare, quasi humidius Calum pluuias saepe afferat, immò è contrario saepe Calum percurbatur, pluuias minatur, cum tamen nubibus alio conuersis extra urbem tantum pluat locis propinquis; inde autem aestus temperies ad urbem perueniat. alias humidior aestas aliquando, cuiusmodi fuit anni proximi aestas incipiens.

incipiens, & desinens (nam media sicca fuit) non ob loci naturam, sed ab anni constitutione: quemadmodum nonnumquam summa est Romæ siccitas, imbres rarissimi, cuiusmodi hac æstate, anno scilicet hac ferente, quæ cunctis communia sunt tam salubribus, quam insalubribus regionibus, in quibus tamen imbres fieri solent. Cum ergo multa huic aeri eueniant, quæ locis penè omnibus salubribus euenire solent, propterea ægritudines nec frequentius, nec perniciosius in urbe, quam alibi grassantur. quod nobis ipsi non fingimus, sed quia ita res habet, & quod est, narramus, & scribimus, & cum ijs loquimur, qui ipsi viderunt, & obseruare potuerunt. Annus seculi presentis sexagesimus octauus fuit perniciosus, popularibus febribus multis continuis cum maculis rubris, quas periculas dicimus, quamobrem defuncti sunt magno numero, præsertim in Burgo vocato, & in ea planitie, quæ posita est inter Collem hortulorum, & Tiberim: Annus verò sequens nihil habuit incommodi, nisi æstate variola, & morbilli grassantes multos interfecissent pueros, quod tamen non in urbe tantum, sed extra quoque in oppidis multis euenit. Anno deinde septuagesimo hieme, & veris initio vis magna orta est pleuritidis, peripneumonia, & angina, quæ multa hominum millia vtriusque sexus, & omnis ætatis interfecit, cum interim aquilonij flatus vis maxima, & assidue, & longo tempore irruisset, quamquam superiore anno per æstatem satis siccam in oppido Farnesij; ubi forte fortuna versabar medicina gratia exercende, cum vix ex adolescentibus excessissem, similis fuit, vel deterior

terior morborum constitutio, quando præter dictas aggritudines, quæ nec sexui, nec ætati parcebant, multa semina orto in mammis anthrace intra dies quatuor peribant: cuiusmodi morborum constitutionem Romæ hætenus non vidi. Non orti sunt autem ij morbi Romæ ob peculiarem huius aeris naturam, sed ob illius anni propriam constitutionem. Fuit etiam insalubre anni septuagesimi primi ver. morbi varij, etiam acuti, & perniciosi, sed non adeo ut priore anno populares: cui nondissimilis fuit annus septuagesimus secundus. sequentes salubriores: sed septuagesimus quintus insaluberrimus, æstate præsertim, ob dysenterias, & acutas febres sopore accedente perniciosas. Anno septuagesimo sexto maior salubritas, & septuagesimo septimo longè maxima, neque non & septuagesimo octavo: Quibus annis non multo insalubrior fuit septuagesimus nonus. Sed nihil interim Romani aeris peculiare. Annus octogesimus alias saluberrimus, & post frigidissimâ Cæli constitutionem, vniuersalem tamen, Iulio mense desinente, apparuit vulgarissimus morbus, quem ridiculo nomine, Castorum Romæ dixerunt. Anno octogesimo primo per æstatem ægrotarunt multi, ut alias per id temporis fieri solet, tertianis, quartanis, continuis cum exanthematibus, dysenterijssin Burgo autem longe plurimi ægrotarunt, & perierunt: salubrior fuit annus octogesimus secundus ægroti pauci, & sanabantur plerique, & facili negotio: Huic nondissimilis octogesimus tertius. Octogesimus autem quartus vicumque insalubrior, æstate accedentes ad urbem grauius, & diutius laborabant, fluores ventris, dysenterie;

ter-

tertiane, Ephemeræ, non multi moriebantur, alias agri pauci. Octogesimus quintus, vere præsertim, pueris noxius ob variolas, ventris fluxus, et dysenterias, cæterum nihil infuetum, nihil proprium. Octogesimus sextus & incalis, & ad urbem venientibus noxius, morbi varij, & acuti, & longi, et pueri laborarunt variolis, et morbillis; mortui multi, sed, quæ in urbe acciderunt, nuntiatum est, ubique ferè similia euenisse. Fuit insalubris quoque annus octogesimus septimus, sed mitius actum est cum egrotis. Morbi eiusdem ferè generis, & Vere grauius laborarunt. Anno octogesimo octauo egrotarunt plures, & perierunt vere, quam æstatè; non tamen fuit annus insaluberrimus; salubrior hoc fuisset octogesimus nonus, nisi Autumnus perniciè multis attulisset è plebe præsertim. Insalubrior annus nonagesimus, per æstatem enim acutis febribus multi moriebantur, & ij maximè, qui Collem Quirinalem incolebant, & Vaticanum. nullo delectu sexus, vel ætatis, aut ordinis, sed & plebs, & patritij æqua sorte egrotarunt, quemadmodum & vere, & æstatis initio anni nonagesimi primis cum ex acutis febribus caput potissimum opprimentibus, & alui fluore accedente, multi perierint. His comparatus annus nonagesimus secundus salubris dici potuit, non tamen desuerunt vere aliqua febres acutæ, & interficientes, sed raræ; Autumnus grauis fuit accedentibus ad urbem, non sine quorundam interitu. Anno nonagesimo tertio Æstas insalubris morbo prius populari accedente, ridiculo nomine, ut anno octogesimo, quamuis hic mitior esset, deinde & obortis tertianis præsertim, quas duplices vocant, quar-

tanis

tanis, dysenterijs, fluoribus ventris, & acutis febribus, quæ aliquos interficere. Biennio sequenti nihil rarum, aut insuetum: Anno nonagesimo sexto insalubrior æstas, acutis febribus, & interimentibus, non tamen crebris. Anno nonagesimo septimo non defuere ægri tudines pro anni temporum ratione: sed Autumnus grauior vulgari morbo ex distillatione illi simili, qui anno quoque nonagesimo tertio inuaserat, & ferebatur etiam grassatus Neapoli, Venetijs, Mediolani, & in tota Transpadana regione, sed sine periculo: non defecere acutæ febres, & latales, sed & rara orta sunt, & paucos occiderunt. De prioris vero anni, ac presentis salubritate, ut de re omnibus nota, non est agendum pluribus. Nunc in Burgo, & inter collem hortulorum, & Tiberim ægri multi: ut anno sexagesimo octauo, et alijs, quorū modo mentionē fecimus, alias salubritas maior in vrbe quam vmq̃uā, totis triginta annis exstiterit. Ex hac autem narratione intelligere est vulgares, perniciosasq̃ ægri tudines vrbis proprias non esse, nec crebriores in ea, quam in reliquis Italia magnis vrribus fieri, immo, si opulentia ciuitatis considerauerimus, quietis nesciam aulicorum, laboriosam plebis, et otiosam multorum nobilium vitā (sunt enim hæ magnæ morborum causæ) reperiemus agros in hac vrbe, quam in alijs multis magnis vrribus, pauciores. Sed rursus ex dictis intelligimus, vrbem Romam nullo proprio ægri tudinis genere laborare, & alias grauius in ea homines agrotare, alias leuius, non proprio aeris, & regionis vitio, sed pro anni varia intemperie, & constitutione: ubi enim grauis aer est, idem numquam defunt morbi, statiq̃

tempo-

temporibus fiunt; idcirco æstate fugiunt loca maritima parum ab urbe distantia, hyeme non timent, ac vere. sed in urbe nec iidem semper, nec eodem tempore nascuntur: verum, alias gravis ætas est, reliqua anni tempora salubria, alias Autumnus solus morbos facit, alias tantum ver. & accedentibus ad urbem non aque semper gravis ætas, vel Autumnus. Sed ostendat aliquis gravis aeris proprias agitudines: Non sunt hic tumidi ventres, lienosi, inflatis cruribus, flauo, viridiuè colore exangues, cuiusmodi in multis sunt locis maritimis, quæ nemo ignorat. Est à Strabone proditum lib. decimoquarto in Caria Cauniorum Ciuitatem æstate, & Autumnno insalubritate aeris (quod erat apud omnes vulgatissimum) laborare solitam propter ardores, & fructuum vbertatem διὰ τὴν καύματα, καὶ τὴν ἀφθονίαν τῶν ὡρίων: quamobrem Stratonici citharista vulgatum est dictærium, cuiusmodi foliorum exortus, eiusmodi, & virorum, græcus est versiculus ὅμπρε φύλλον γυναι, τὸν δὲ, καὶ αἰσπῶν, dubia sententia, compararet nē multitudinem, an colorem frondium, & virorum, cum tamen colorem intelligi vellet: agrè autem ferentes Caunij, eorum urbem ita proscindi carmine. & tamquam insalubrem contemni, de Stratonico quæsti sunt, qui, grauiore dicto eandem insalubritatem enigmate notans, dixit, se numquam ausurum urbem insalubrem vocare, in qua mortui deambulent: quod de Grossetto vrbe in agro Senensi dixisse memini virum bonum, amicum meum, cum responderet Claudio Burghesio Senensi loci eiusdem Episcopo, & amico item meo, qui eum interrogauerat, quid sibi de ea vrbe videretur; bene

D habet,

habet, inquit, Reuerendiss. Domine, quoniam video per istam urbem deambulantes defunctos. Sed hec ab urbe Roma longissimè absunt, cum in ea. numera quidem frondibus, sed non colore comparari homines possint, & viuentes ambulent, non defuncti, degantq; bono habitu pradii, beneq; colorati, & speciosi tum viri, tum mulieres, senes, & iuuenes, formaq; & decora, & venusta: quamobrem diceret aliquis non iniurias, urbem non tam Marti, quam Veneri gratam fuisse, & idcirco fortasse Poetas cecinisse, primos auctores Æneam, & Ascanium filium summo peni Veneri commendatos. propterea mirum non est, veteres auctores de urbe Roma ita locutos, atque si de huius aeris salubritate suspicio nulla vñquam fuisset: Strabo lib. 1. Geograp. Latium, in quo Roma, vocat felix, feraxque, paucis tantum locis exceptis maritimis, & palustribus, & ideo insalubribus, cuiusmodi circum Ardeam, & qui locus est medius inter Antium (hodie Nettuno vocatur) & Laninium, & vsque ad loca quedam circa Setiam, Circum, & Tarracinam. Hoc Strabo dixit, non taciturnus: si qua de Romani aeris gravitate, & insalubritate suspicio extitisset: nam salubritatis locorum notande studiosus, hoc, agens de urbe Roma, non omisisset: Non omisit, cum de Caunijs ageret, ut ante dixi: cumq; de Rauenna scriberet in quinto libro, significauit, aerem in ea grauem esse, quoniam regio palustris, sed emendari, maris astu, & flumijs, quicquid cenosi erat in urbe, diluentibus: & addidit, esse dignum admiratione, quod in palustri loco aer esset innocuus, quemadmodum Alexandrie, qua in Aegypto est, euenit.

nit. idemq; dixit, agrum Tusculanum, qua ad mare vergit, esse minus salubrem: dixit quoque urbem Sybaritarum insalubrem ob fluminis propinquitatem in paludes refluxi. Nec omittenda, qua lib. decimosextimo dixit de Alexandria, qua in Aegypto. Bonitas aeris notatu digna est, quam facit Nili incrementum tempestiuum, à quo vndiq; perfunditur: etenim aliae vrbes iuxta paludes constructae per aestiuos ardores aerem habent grauem, & suffocantem, namque in paludum labris lutosae sunt ob vaporatorem à solibus excitatam: cenoso ergo elato sursum humore tanto, insalubris aer ducitur, & morbos prouocat pestilenteis. Sed Alexandriaestate inueniente, cum Nilus impletur, impletur & palus, & cenosum nihil remanet, quod vaporatorem prauam efficiat: sed & tunc spirant Etesiae ex locis borealibus, tantoq; pelago, quapropter optime per astatem degunt Alexandrini. Ergo cum hac tam diserte de Alexandria scripserit, de vrbe Roma non siluisset, si quid aeris ratione notata dignum extitisset. immo dicendum est: Cum idem auctor lib. 6. dicat bonam, vel malam temperiem dignosci ex frigore, & calore, & his, quae inter hac media sunt, & idcirco Italiam commendat, quoniam inter summè contraria media est; *ἡ μέση τῶν ὑπερβολῶν ἀμφοτέρων καὶ μέση*. Cum hac, inquam, Strabo scripserit, dicendum est, Romam in Italia medio locatam, & à summè contrarijs, & paludibus longè semotam grauis aeris crimine condemnari non deberet quod demonstrandum sumpserimus. & eo quoque confirmari potest, quod Plinius notauit lib. septimo, cap. 40. vnum fuisse quinquennium, quo senator nullus Romae mo-

D 2 rereetur;

reretur ab Anno vrbis DLXXIX. Flacco, & Albino Censoribus: esset enim hoc incredibile in vrbe loco posita insalubri. Iam tandem sunt rationes examinandę, quibus contraria sententia declarabatur, & confirmabatur.

Prior ergo, ac fortasse potior, ratio erat ex Galeno dicente, Romam ob loci humidiores naturam, esse obnoxiam destillationibus. quę duobus præcipue observationibus diluitur: Ac scire licet primò, si multos in vrbe destillationibus obnoxios comperimus (quod verum est) non protinus hoc aeri tribuendum, namque multis hoc euenit vitio parentum, & seminis, multis ob victus negligentiam, & varios errores, in quibus versantur: vbi satietas; quę Romę frequentissima est; vt est vrbs opulenta, in qua laudè viuunt; ibi pituita producit multa, & destillationes sunt, itaque multi vna victus moderatione restituuntur, & à destillationibus liberantur: distinguendum igitur aeris ne vitio egrotet aliquis, an insito à parentibus, an proprio errore. Deinde licet animaduertere, quam nunc urbem incolimus, longè esse aliam ab illa, in qua Galenus versatus est, cuius seculos, vt antea ab eius origine, & conditu, & multis post etiam seculis, montes, & quę inter montes sunt, conualles colebantur, nos verò montibus relictis, in planitie habitamus: oportet igitur esse memores, olim urbem cenaculis elatam fuisse, vt ex M. Tullio ante dixi, & male dispositam, atque insuper domos, quę erant in conuallibus, necessariò ob loci cavitatem, & profunditatem fuisse insalubres, nam conualles profundiores fuisse, quoniam colles eminentiores, cum nec dum valles repleg, &

in montibus gædes essent altissimæ, quas Romana potentia Cælo æquavit (inquit Poeta) conuallium vero profunditatem cruda ædium vestigia, & ipsæ ruina, ac viarum strata effossa clarè demonstrant, docentq; conualles ipsas, amplissimis dirutis ædificiis, partim barbara manu, partim vetustate inuidiosa demoliente, repletas esse, & montes idcirco iã humiliores esse, quam olim fuerint, quod et docent ædium porticus vetustarum adhuc integra, iam subterranea pro cellis viuarijs usurpata: eoq; intelligitur, quantum differt in eadem domo cubicula inferiora habitare, vel superiora: cum salubrius confessione omnium superiora habitentur: tantum differre, ob elatum nimis solum, inter præsentem, & priscorum habitationem: atque adeo nostram (quoniam quasi succrescit, & attollitur planities) quam veterem, esse salubriorem. adde probam viarum dispositionem, & ædium ipsarum structuram: cum enim ea ab Architectu habeatur ratio, ut undique perflatus existant, nihil ad salubritatem aptius cogitari potest. Timuere olim aeris vitium: itaque fenestras domorum paruas, angustas, & raras, & in summis cubiculis struebant, unde vix luminis aliquid cubicula illustrabat, quamobrem multis locis in ipso meridie, lucerna opus fuisse, omnino existimo: interim, qui domi erat inclusus aer perflatu carens, immotusq; manens, stagnantis instar aque, putridum aliquid concipiebat, quapropter homines grauius agrotabant, & facile contagiosis morbis capiebantur. iam contra res habet, nam fenestrarum multitudo, & amplitudo, quibus etiam interea cubiculorum

ianuæ

ianuæ è regione respondent, quantum ad ornatum, & venustatem, tantum etiam conducit ad salubritatem, hocq; confirmatur euentu narrato à Varrone lib. 1. de re rust. cap. quarto, qui Varro Corcyræ agrum seruauit exercitiis, immisso fenestris nouis Aquilone, & obstructis pestilentibus, ianuæq; permutata; quoniam ergo amplissima fuere Galeni tempestate ædificia in montibus, necessario quoque in conuallibus structæ ædes magna diei parte sole carebant, eoq; ut conuallium mos est, vapores nec à sole absumi, nec ab incolis vitari poterant; iure itaque locus humidus dictus, & destillationum genitor; sed alia est presentis urbis status ratio, quod etiam firmitus declarabitur in his, quæ inferius dicentur; Ita tamen negamus, esse ob nimium humorum damnandum Romanum Calum, ut non propterea siccum esse profiteamur. atque si quid est ex huius contrarietatis parte altera vitij, ex humore potius esse affirmauerim; sed non est tantus, neque huiusmodi humor, qui proprios, siue vernaculos producat morbos; neque illud temere admittendum, esse densum, & caliginosum, neque etiam leuiter affirmandum, esse calidum, & australem, & inaequalem, & ideo morbidum, & pestilentem. sed de morbis vernaculis dicitur posterius. fieri caligines Romæ, non est negandum, sed fieri crebriores, & densiores, quam locis multis, de quorum salubritate non dubitatur, hoc affirmandum non est: natus in Transpadana regione, noui illic per hiemem crebriorem, densioremq; caliginem fieri, & audiui prudentes & doctos viros affirmanteis Neapoli longè densiorem à se visam,
quam

quam Roma, caliginem, immo hanc Vere, & Æstate ferè
 sæpius licet, quam hyeme Roma cernere, & cum ita cre-
 bro fit nihil graue timendum esse, ex obseruationibus Ale-
 xandri Petronij accipere licet, cuius ea sunt lib. 1. de vi-
 ctu Romanorum cap. quinto, Verumtamen per id tempus,
 aut etiam paulò prius, hoc est mense Iulio, vel Augusto,
 si forte flatu mitius spirante caligo crebra diebus aliquot
 suboriat, quia calor æstuosus ob aeris tum crassitiem,
 tum densitatem, deinde succedit, plurimos quidem, atque
 hos affecto potissimum capite, febricitare, sed paucos, quia
 breuem à caligine, & ab æstu occasionem habuerunt, peri-
 re. Sin secus accidat, quod videlicet plerique intereant.
 Id his, qui purgationibus importunis fatigati, vel in ve-
 terum quendam, vel in aliquod simile capitis malum,
 non naturæ, sed medentium culpa, incidunt, euenire. Est
 igitur aer hic crassus, & densus, cum caligo vagatur, sed
 ea non semper, neque tam crebro fit, ut huius aeris pec-
 liare vitium dicendum sit, atque cum fit, nihil grauis, aut
 perniciosi afferre solet. Aerem deinde hunc calidum, &
 australe esse, ut calor significat excellentiâ, τὸν ὑπερβολικόν,
 hoc verò negamus, & ante ostendimus, temperatum potius,
 quam calidum, dicendum esse. æstate calor vehemens est,
 quid mirum? hieme etiam ex gelu non nunquam rigor est,
 ningitq; non rarissimè, & ipsi Germani hiement Romæ,
 quam in Germania nonnunquam difficilius ferunt. ac
 (dicent) hiems austro flante tepescit, rectè, sed hoc est
 omnibus Italia locis commune. esse autem per æstatem Ca-
 lum impensè calidum, & omni tempore in meridie calorem
 insti-

insigniter crescere, hoc nulli regioni non euenit: alijs tamen magis, alijs verò minus, ut regio quæque ad meridiem siue aequatorem magis, vel minus accedit. Nèc Romanus aer vsque adeo australis est, ut non frequenter aquilone frigescat, quamobrem aliquando ipso Iulio mensæ hiberna vestis, & Solis, nè dicam ignis, consuetudo grata fuit. Sed sæpè Fauonius spirat, & Zephyrus, ut altera ex parte Cacias, & Eurus, & Euronotus, & Iapyx, & lybicus: Et idem Petronius magnam constitutionum varietatem notauit, nam aliàs Aquilonius, & siccus aer est, alias Aquilonius, & humidus, & alias Australis, & humidus, alias Australis, & siccus, alias æstatis alia, autumnique alia constitutio est, & alia, atq; alia aliorum anni temporum, quæ cum sit tam multiplex constitutio, non facile affirmandum est, & vitio dandum Romano aeri, quod australis sit. Sed cum iidem affirmant, inaequalem esse, negant esse simpliciter australem. Sed quæcunque inequalitas est, ea perniciosa non est, ut posterius dicetur. Neque temerè assentiendum dicenti crebro Romæ pestilentiam grassari: nam hoc de nostro seculo dici non potest, cum iam annos plures septuaginta nulla affligerit Romam pestilentia. quod verò de superioribus, ac primis præsertim sæculis narratum est, id cautè accipiendum est: Namque cum veteres rerum Romanarum auctores crebrò pestilentiam incidisse per urbem narrant, vel pestilentia, siue pestis vocabulo abusi sunt, vel certè non aeris vitio, sed ab alia peculiari causa ortam docebimus, dicamus autem prius de pestis vocabulo: quod propriè signi-

significat genus morbi, quod & popolare sit, & contagio communicetur, & quos arripit, vel omnes, vel plerosque interficit, quapropter & Mortalitas à nonnullis dicta est; sic enim S. Cyprianus libellum scripsit de Mortalitate, hoc est de pestilentia. Alias pestis minus propriè dicitur de quocumque gravi quidem, & populari morbo, sed ex quo plerique liberari solent. primum genus tam crebro Roma contigisse, atque proditum est, hoc mihi persuaderi non potest, quoniam aliud ex auctoribus accepimus, qui, ut contagij nonnumquam meminerint, ut Liuius lib. tertio, D. 1. Coss. L. Ebutio, P. Seruilio, inquit, Ministeriaque inuicem, ac contagio ipsa vulgabat morbos, & lib. quarto, D. eiusdem agens de consulatu A. Cornelij Coss., & T. Quintij Pæni. 1. 1. vulgariq. contactu in homines morbi, ita enim inquit; Sic alias nulla contactus ratio habita, ut Coss. C. Iulio II. & L. Virginio; nam, & si ait Liuius lib. eod. quarto, D. 1. magnum fuisse metum vastitatis in urbe, & agris, tamen, ommissa contactus mentione, eodem tempore Dictatorem ait creatum, & Fidenas captas: ut credi non possit, grassante morbo, qui contagione communicari posset, tantam rem perfici potuisse. Sed lib. septimo, D. tertie Coss. M. Marcello V. & T. Quincio Crispino, aperte satis nostram interpretationem confirmat, inquiens; Eo anno pestilentia grauis incidit per Urbem, egrosque, quæ tamen magis in longos morbos, quam in perniciales euasit. At pestis non perniciofa, propriè pestis non est dicta; quæ pestis propriè, perniciofa est. At pestilentiam, hoc modo sumptam, frequen-

ter cucuisse, non est mirum, neque nouum, namque nostro quoque seculo similia contigisse, nemo potest ignorare, namque ex ante dictis possumus annum dicere pestilentem nonagesimum primum, nonagesimum, octogesium primum, octogesium, septuagesimum quintum, septuagesimum, sexagesimum octauum: cum his annis morbi inciderint populares, & letales, quamobrem non ex plebe tantum, sed ex patitijs, & principibus viris multi mortui sunt: Itaque pestis sæpè vocabulum translate acceptum existissimo. Quod si denique persuasum aliquibus sit, veram semper pestilentiam fuisse, quæ tam crebro narrata est: non propterea statuere oportet, aerem Romanum pestilentem esse: cum satis constet ex his, quæ auctores narrant, ab alijs caussis exortam. Namque quo anno Coss. fuere A. Corn. Cossus T. Quintius Penus grassata pestis est, quam Linius lib. quarto Dec. 1. dixit apertè à siccitate ortam esse, quemadmodum & lib. 5. D. eiusdem L. Valerio Potito M. Manlio Coss. dixit pestilentiam ortam in agro Romano ex siccitate, & caloribus nimijs: ergo non ab aere, quem humidiores esse statuunt. item lib. quinto D. 1. tristem, inquit, hiemem, siue ex intemperie Calis, raptim mutatione in contrarium facta, siue alia de causa, grauis pestilensq. omnibus animalibus æstas excepit: at si peculiare huius aeris vitio incidisset, non fuisset dubitandum, ex intemperie Calis nē, an alia de causa. lib. quoque octauo D. eiusdem Cl. Marcello: T. Valerio Coss. sedus annus seu intemperie Calis, seu humana fraude fuit. ergo non infuso vitio, sed ob peculiarem illius anni intemperiem,

periem, ut ob nimiam siccitatem, vel calorem, ut alia
dixit, aut ob fraudem Matronarum, quas narrat depre-
hensas, cuiusdam indicio ancilla, in Senatorum perniciem
venena coquere. Sed non tam est agendum testibus, quam
rationibus; itaque si verè pestis tam crebro incidebat, at-
que hoc aeri tribuendum fuit, vel fieri idcirco debuit,
quia in aere vis aliqua pestilens per se inerat, quod non
est dicendum, quoniam singulis annis, ac perpetuò debuis-
set pestis Roma fieri, quod factum non est, vel aliundà
vis ea pestilens proficiscebatur, aut à vaporibus, quos ter-
ra exhalabat, qui ob montium sublimitatem, adiumque
amplitudinem, & altitudinem, absumi à Sole non pote-
rant, atque ideo humana corpora inficiebant; sed & hoc
perpetuum fuisset; nam status idem Urbis erat perpe-
tuus. aut. proveniebat à siccitate, vel aestu, (ut Linus
aliquando dixit) aut alia quacunque anni constitutione;
quæ per singulos annos varia occurrit, & quacunque sit,
ab ea potest morbus aliquis in affecto utcumque corpore
produci, hoc autem non est huius aeris proprium, sed com-
mune omnibus regionibus, in quibus, ut alia semper est
constitutio hiemis, & alia æstatis, ita quoque alia est hoc
anno, alia futura est altero anno constitutio, & alia ter-
tio, & ita deinceps. Nec Hippocrates libro de flatibus di-
cebat, populares morbos à proprio loci vitio, sed promiscue
ab aere nasci: cum distinguendum sit, proprium ne vitium
regionis sit; quod non populares solum, sed vernaculos
etiam eosdem morbos producat: an vero commune sit, à
quo non vernaculi, sed qui solum populares sint; cuiusmo-

di hi sunt, de quibus disputatum est hactenus; proficisciscantur. Esse autem Romanum calum communibus aeris affectibus, & inquinamentis obnoxium, ut negandum non est, ita vitio ei dari non debet. Quod si tandem aliquis hoc sibi persuadeat, fuisse vitium Romani proprium aeris, cum iam longerarior postremis, quam prioribus seculis, Romæ pestilentia oriatur (ut notum est) salubrius quoque iam Calum esse Romanum, dicendum est, quam fuerit olim ob mutatas sedes à montibus & conclusis conuallibus, in apertam planitiem; De cuius loci salubritate præter ea, quæ ante dicta sunt, nonnulla quoque dicentur posterius. Ergo sumptum à pestis olim crebro in urbe exortu, argumentum, ad aeris Romani insalubritatem demonstrandam, satis dilutum videtur. Iam perpendamus quæ de morborum quibusdam generibus dicebantur, quos morbos Romæ vernaculos cum veteres quidam, tum recentiores auctores testati sunt: quos, oportet intelligere, hoc ipsum nè Romanum Calum, an aliud causæ genus efficiat. Sermo erat primus de comprehensione, quæ κατὰ ληΐον Græci appellant, quam cum febre quotidiana Romæ frequenter accedere, Asclepiades testatus est. Verum, non eo demonstratum est, id morbi genus esse Romæ vernaculum; nam si dixerò tertianam, quartanam, fluxum ventris, intestinorum difficultates, & alios non paucos Romæ frequenter euenire, nemo me arguet quasi mendacem, sed si eosdem dixerò morbos esse Romæ vernaculos, nemo sententiam non damnauerit, nemo non exploserit: visæ sunt aliquando frequentes in urbe, nostro quoque sæculo, febres quoti-

quotidie accedentes cum sopore lethargo simili, immo dum
 hæc à me scribuntur, aliqua videntur, cuiusmodi ab Ascle-
 piade descripta sunt, sed nec omni tempore, nec sigulis an-
 nis apparent, uti morbi vernaculi solent, quos Græci
 ἰσχυρίης, & ἰσχυρίης vocāt, & ἰσχυρίης; qui ab his longè dis-
 ferunt, qui vulgares dicuntur, ἰσχυρίης, vel ἰσχυρίης; ita-
 que febrem illam Asclepiades vulgarem quidem, sed non
 vernaculam fuisse indicavit. Nec alia ratio est Incubi ap-
 pellati, & semitertiana; etenim morbi quodvis genus
 vulgare potest non esse vernaculum, idemque dicemus de
 podagra, & cæteris artuum doloribus, de spūto sanguinis,
 & reliquis ante memoratis: Sed & sanguinis spūtum,
 & tabes peculiare aeris Romani vitium minime docent,
 licet sola nonnunquam aeris mutatione sublati dicantur:
 nam hoc morbi genus, ubique nasci solet, & longum est;
 in eoq. celi mutatio cuiuscunq; ab Hippocrate laudata est.
 accedit quamvis vel omnes, vel aliqui vernaculi iure di-
 cantur, posse tamen eos ab alijs causis, non ab aere profi-
 cisci. Quis enim nescit Venere, & Baccho vires enervari,
 pedes tentari? Sed pravi nonnunquam cibi, potus genus
 aliquod vulgareis alias producit ægritudines, quod à mul-
 tis proditum, nemini ignotū potest esse, ipseq. Petronius caus-
 sas exponens morborū, quos esse Romæ vernaculos professus
 est, non existimavit factum satis, aerem dixisse, sed adie-
 cit ventorum impetum, copiam alimentorum, Solem, qui
 Romæ, ac præsertim æstate, & in meridie semper validus
 est, atque Vinum; Cum autem reliqua causæ evidentiores
 sint, quæ verò de aere dicuntur longè minus pateant, eo
 maiorem

maiores in reliquis causis culpam, quam in aere inesse, intelligimus. Vtrum verò aeris vicio alimenta Roma nutriant minus, quam alibi, hoc esset paulò diligentius examinandum. Non enim tanta videtur vis argumentorum, quæ ad hoc probandum, proponebantur, ut persuadeant. Etenim, agros Romæ uberius, quam alibi nutriri; Verè quidem dictum est; sed scire licet, Neapoli quoque uberius multo nutriri, quam in Hetruria, & vniuersa Gallia Cisalpina; immo uberius Neapoli, quam Romæ; nec tamen insalubre existimatur Cælum Neapolitanum, aut eiusmodi, ut, quæ illie sunt alimenta minus, quam alibi, nutrire dicendum sit. Sed (dicendum semel est) & Neapoli iusto uberius, & in Gallia Cisalpina, atque Hetruria parcius, quam par est, agros nutriunt; Romæ ratio quædam media seruatur, quæ optima, & saluberrima est; non quidem, quoniam nutrimenta sint infirmiora, sed quoniam hoc à recta postulatur ratione, à qua longius recedunt, tam qui parcius, quam qui uberius agro alimentum offerunt; sed non hoc uno peccatur à medicis non paucissimis, ob male accepta veterum auctororum documenta: de qua re alibi disputandum est; Ausimq. asserere, si quis deposito contentionis studio, rei periculum faciat, id, quibus locis parcius agri nutriuntur, euenturum, quod Romæ nostro euenit seculo, ubi ante annos quinquaginta parcissime medici agros nutriebant perinde atque locis ante dictis cum primus omnium (quos nouimus, & fama est) Franciscus à Nursia animaduertit insalubrem esse victus illam rationem, quæ medici passim agris laudabant, & ex ea plures,

quam

quam vi morbi perire: quamobrem ausus agros uberius nutritive oblati contusis carnibus, et plenioribus ferculis, magni medici nomē in hac vrbe, et opes magnas consecutus est, quem imitatus Alexander Petronius, præter cetera ingenij monumenta, quibus de humano genere meritus est, inter medicos primas omnium calculis obtinuit: cum utriq; non defuerint aduersarij veteris, plebeiæq; opinionis adsertores, quos tandem plebs, patresque, & ipsum seculum, docente usu, à recta aberrare ratione cognovit, & statuit, & duorum, quos nominavi, medicorum sententiam comprobauit, Sanè (hoc vnum dixerim, nam de ea re interpretando Hippocratis præcepta, quæ præsertim in aphorismis continentur, abunde disputatum est) Hippocrates prædicat offerenda agris eadem, quibus per bonam valetudinem adsueuerunt, solum curandum, ut ita parentur, ab imbecilliore ut virtute tractari, & euinci possint, & nihil tam damnas, quam importunam vasorum vacuitatem, nullum, & cunctis; & minus arguendum medicum docet, qui uberius, quam qui parcius agros nutriti sed hæc hætenus. Quod de Hispanis iactatur, in eo quoque non nihil latet, quod esset penitus inspiciendum. Videant diligenter, an à ciborum natura periculum oriatur, an quia Roma laborant plurimum, ut acquirant (labor autem sanitatis est custos) acquisitis verò amplis sacerdotijs, otiose in Hispania degunt (otium verò sanitatem oppugnat,) & de consueta ciborum mensura nihil demunt, licet non usque adeo magis nutrant, quam Romana alimenta: propterea breui moriantur? Differre autem alimenta inter se ob loco-

locorum varietatem, hoc negare, prorsus ineptum existimo. Vtque sunt alimenta alia infirmioris, alia valentioris materiae, & alia medicæ, ita idem alimenti genus alibi, atque alibi infirmius, aut valentius oritur. Plus vero nutriunt, quæ æqua mole plus habent succi alendo idonei, aut etiam in minore mole, vel maiorem, vel parem copiam eiusdem habent succi, & huiusmodi oportet esse; quæ pari mensura plus habent ponderis, & concoquuntur difficilior, saltem magna ex parte, solidioraque sunt, & diutius in eodem loco manent incorrupta. Esse autem ex loco hanc alimenti differentiam Theophrastus disertissime docuit, cum lib. de plantis octavo; cap. quarto dixit. Athletas in Beotia vix Tritici sextarios ternos absumere, qui Athenis quinos comederent, differentia profecto maxima: sed quid inde accipimus, quod aerem Romanum condemnare possit? neque Triticum, neque carnes (taceo pisces) Romæ nascuntur, sed in agro: at nostra de aere urbis, non agri disputatio est; quod si frumenta, & carnes ex agro Romano minus alunt, quam Hispaniarum alimenta; hoc ad urbis aerem non pertinet, nec docet huius aeris labem esse aliquam, quapropter insalubris existimandus sit. At (dicunt) aliunde huc delata, hic flaccescere, quam alibi, citius, macerarique, & promptè putrescere, Sed illud prius fuit declarandum; an hoc ab aeris, nascatur, an terræ vitio, ubi frumenta nascuntur; nam Theophrastus differentias frugum agnoscebat præsertim ex loci, hoc est terræ natura, ex seminis robore, & imbecillitate, ex aeris temperie, ubi sata sunt, non ubi post messem

sem

sem conduntur: non tamen hoc dico, quasi verum existimem loca, ubi conduntur fruges, non conducere ad perennitatem, cum Varro lib. 1. cap. 47. admoneat: Triticum condi oportere in granaria sublimia, quae perslentur vento ab exortu, ac Septentrionum regione, ad quae nulla aura humida ex propinquis locis adspiret; & Columella lib. 1. cap. sexto, inquit. Granaria scalis adeantur, & modicis fenestellis Aquilonibus inspireretur, nam ea Calis positio maxime frigida, & minime humida est, quae veraque perennitatem conditis frumentis afferunt: Sed non idcirco concluditur, cum horrea debeant esse sicca, & frigida, Romanum vero Calum calidum, & humidum sit; ergo celeriter fruges hic corrumpentur; Hoc, inquam, non efficitur; nam contra, videtur mihi videre conditas fruges Romae non aliter, quam alibi; durare; si horrea bene habeant, Calum autem Romanum temperatum esse docuimus, non calidum, & humidum. Sed quod est temperatum, vocant aliqui calidum, & humidum, comparatione frigidi, & sicci, quoniam media contraria extremis dicuntur esse. Sed de re eadem posterius dicenda quaedam remanens. Haecenus declaratum est, morbos, qui vernaculi putantur Romae, ab aeris vitio minime nasci; & cum alimenta sint Romae, quam alijs quibusdam locis, infirmiora, hoc pariter non fieri Romani aeris culpa, qui non est simpliciter calidus, & humidus, ut assumitur, sed temperatus, atque adeo salubris. Sed persuaderi videbatur, humidum debere Calum Romanum existimari, quia Roma in conualle ferè quadam locata est, & montibus, instar amphitheatrì, cingitur:

tur: quapropter in ea densi, crassiq. vapores multi includuntur, & reliqua antedicta. cuius argumenti iam indicata infirmitas est. nam, ut in angustis, profundisq. conuallibus, & quæ verè conualles sunt; hæc fieri necesse est; ita Romæ fieri negamus, quoniam non est conuallis; nisi velimus conuallem quoque vocare Galliam Cisalpinam totam, cum planities sit posita inter Apenninos montes, atque Alpes; ampla est planities, in qua Roma posita est, & satis est magna inter colles distantia, quod est à conuallium natura alienum: est enim Vallis angustus inter editos montes locus, concauus, quem αὐλῶνα Græci appellant, ob angustiam, & similitudinem quamdam vocalis instrumenti, quod Græci αὐλὴν appellant, vbi non angustia solum, & longitudo, sed & concavitas est consideranda, Eustathio auctore ad Iliad. λ. & P. & Odiss. x. cuiusmodi non est hic locus, vbi nunc Roma locata est, ac propterea vndique perflatur, neque minus admittit frigidos, & siccos flatus, quam humidos, & calidos, ac nullum est flatus genus, cui aditus non pateat, ut ipsa observatione probari facile potest, & auctor potest esse idem Petronius lib. i. de victu Roman. cap. tertio, vbi ventos urbem exercentes promiscuè memorat Aquilonem, & Boream, Austrum, & Africum, quamobrem si ventos respicias, Roma non minus Aquilonia, quam Australis dicenda sit. Itaque nec crassi, & densi vapores in urbe, ut conuallibus continentur, sed à Sole toto die urbem illustrante assumuntur, & à flatibus quoque vndique spirantibus dissipantur. Quod verò de Vaticano dictum est, vbi vocatus

Burgus.

Burgus est positus, hoc etiam rectè accipiendum est: nam insalubrem dixerim partem illam, quæ ipsi monti Vaticano subiecta est, & porrigitur ad Ianiculi radices, ubi fornaces existunt, etenim vapores, quos Tiberis propinquus exhalat, partim à Sole vergente ad Occasum illuc trahuntur, partim à flatu tum ortiuo, tum aquilonio pelluntur, & in angulo veluti quodam clauduntur: vnde nec Austro obiectu Ianiculi, nec Zephyrus, vel Favonius obiectu Vatici potest illos repellere, & omnino dissipare, sed pars reliqua, quæ maxima est, in ampla satis planitie posita longè salubrior est: accedit non perpetuo, nec singulis annis, nec in omni anni tempore in ea urbis parte morbos grassari, nec genus aliquod morbi vernaculum illic esse, ut de reliqua urbe dictum est superius: quamobrem, de ea urbis parte non aliter, quam de reliqua vniuersa statuendum est: quod viæ nonnullæ in urbe tota ob angustiam, & ob ædium altitudinem vel flatus aliquos non admittant, vel Solis vim non usque adeo sentiant, ut & moderatè calefieri, & à densis vaporibus expurgari possint, & contra esse aliquas soli nimium expostas, quamobrem æstate non absque periculo frequentantur: iam hoc est commune urbium omnium vitium, non aeri, sed architectis tribuendum: sic quoque non aeri Romano tribuendi sunt morbi, qui montium cultores exercent, sed annis, qui multa ferunt venientes, & multa adimunt recedentes: propterea non perpetuo, nec singulis annis ita passim in montibus morbi nascuntur, nec idem genus semper oritur, ut quibus locis vere gravis aer est, euenire solet.

F a De

De inconstantia quoque quod propositum est, ut verum esse fateor, ita profiteor ex eo, longe aliud effici, quam contraria opinionis adsertores sibi persuaserint: Etenim Varietas, & frequens contrariorum successio temperiem, & mediocritatem quandam, atque ideo salubritatem inducit: ita enim contrariarum vis caussarum frangitur, ut obesse non admodum possint: quos morbos ab Aquilone, vel ab Austro fieri notabat Hipp. lib. aphorism. tertio, non videmus produci, nisi cum diu alteruter flatus spirauerit; non ubi alter alteri post paucos dies, aut eodem die succedit; & illa, quam putant ab Hipp. damnatam varietatem, quoniam Autumno similis sit, quod matutino, & vespertino Calum hoc sit frigidiusculum, meridie caleat vehementius; saluberrima est, neque propria Autumni est (quicquid de ea re magni viri statuerint) nam in omni anni parte varietas eiusmodi sentitur, aestas sit, vel hiems, Autumnus, aut ver. nox die semper est frigidior, itaque hyemi comparatur; à nocte vero maxime distat meridies aëstatis similitudinem exhibens, atque ut Ver, & Autumnus media sunt inter contraria anni tempora, ita matutinum tempus, & vespertinum sunt inter meridiem, & noctem media, & quemadmodum per anni tempora caloris sit, ac frigoris optima, & necessaria temperatio; ita sit per dies singulos, dici partibus sibi perpetua serie succedentibus. quae fuit etiam Hippocratis sententia lib. secundo, & sexto Epidem. ubi ostendit, esse dierum, & annorum proportionem, & Autumnum ait esse vespertino tempori similem, ut inde reliquam similitudinem colligamus, quod & fecit Theoph.

Theoph. lib. sexto de causis plant. cap. 24. cum ait odores meridie sentiri minimè, maximè matutino, minus vespertino; atque ut cum diei horis, ita cum anni temporibus pro ratione mutari; itaque intelligimus hanc quotidianam frigoris, & caloris vicissitudinem esse naturalem, & in omni anni tempore (pro temporis tamen ratione) apparere: hyeme meridie sereno tepor est aliquis, mane & vespere frigus maximum: estate contra, meridie aestus, mane, & vespere aestus aliqua temperies. Sed neq; Hipp. dixit usquam, Autumnum esse inaequalem, aut docuit ob inaequalitatem morbos fieri in Autumno perniciosissimos, & alias exponebam, Autumnum perniciosum ob recessum Solis, qui vitae fons esse dicitur: certè præcipuam est Divina providentia ad vitam communicandam instrumentum, ut enim accessu vitam, & recessu interitum, sic & sanitatem accedens ideo Ver saluberrimū; & perniciosas recedens affert ægitudines, itaque veri contraria Autumnus natura, quod attinet ad salubritatem. si quæras, cur non sit hyems perniciosior Autumno, cum longius Sol abest, respondebo; nec æstatem esse saluberrimam, cum sol propinquissimus nobis est. quamvis autem Autumnus non differat ab alijs anni partibus inaequalitate; Hoc tamen non efficit, quin vere dictum sit, morbos autumnales expectandos cum aeris inaequalitas est, & ut eadem die modo frigus, modo calor sentiatur. Sunt enim dua diuersa, & que seiungi possunt, autumnum esse grauem; & si inaequalitas non adsit. & constitutionem inaequalem morbos autumnaleis significare. ubi & aliud notandum est; differre, futuros morbos, & futu-

ros huius, vel alterius generis. futuros morbos non est facile ad prædicendum, sed si futuri sint, facile si genus illorum prædicere. Etenim ex grauibz constitutionibus non agrotant omnes, sed propensi quidam: at quid si nemo sit alicubi propensus? nemo agrotabit, ergo si prædixeris futuros morbos simpliciter, facile errabis, neque docet hoc Hippocrates: at, si futuri sint, docet Hipp. quod genus expectare oporteat. Docet scilicet ex quibus causis, qui morbi fieri solent, sed sæpe causarum vis irrita. Sed ad rem, noxia est eodē die caloris, frigorisq. crebra successio, sed non quæ uno die, vel altero tantum, sed si fuerit multorum dierum & veluti vniuersalis constitutio, quæ longè alia est ab ea, quam Roma obseruarunt, quoniam mane, et vespere aer frigidior sit, meridie calidior: quæ cum frequens, & quotidiana sit, & naturalis, & salubris varietas est, quæ verò insalubris est, quam modò descripsi, ea nec quotidie Roma fit, nec alioqui frequenter: si fiat aliquando, non est mirum, quia Roma quoque pars est huius vniuersitatis, quæ vbiq. varietati obnoxia est: nec est propterea Calum Romanum insalubrius cæteris existimandum. illud verum est, nō vsque adeo Roma diuturnas esse eiusdem generis constitutiones & eadem anni parti fieri transitum à frigore ad æstum, & contra, & non ita multos dies boream spirare, aut Notum, & omnino varium hoc Calum dicendum esse. nec inuentu difficilis causa, si credimus dictis ab Hippocrate lib. de aere aquis, & locis, sunt enim Colles vario situ ad Austrum, ad Aquilonem, ad Ortum, et Occasum. sunt & inter hos plana, & conualles eadem varietate, atque idcirco vario modo

aerem

aerem moueri, variosq. cieri ventos necesse est. Neque varietatem banc ut insalubrem notabat Hippocrates, immo laudabat, quod homines produceret viriles, magnanimos, audaces, & bellicosos. Mutationes vero in contraria damnatas esse tam à Galeno, quam ab Hippocrate, hoc verum quidem est; sed hi loquebantur non de quacumq. subita mutatione, sed magna, & immodica ἡξαπῆς, inquit Hippocr. μείζω πολλῶ τῇ μητρὶς μεταβαλλόμενα, ut à maximo frigore ad æstum, & contra, sic in aphorismis quoque τὸ κατὰ πολλὸν ἡξαπῆς, quò pascit Galenum quoque subitam damnasse alterationem intelligimus; sed est hæc aeris Romani varietas intra quamdam mediocritatem, quæ (ut experimentis compertum est) sine incommodo ferri potest, & plerumque salutaris est, ut ante dicebam.

De Tiberi: qui vapores exhalat insalubres; quid dicendum sit, is intelliget, qui animaduernerit, non in Italia solum vrbes amplas iuxta magna flumina positas; sed in Germania, Gallia, Hispania, & in omni orbis terrarum parte, nec propterea insalubritatis nota iniusta esse. Non potest igitur vniuersæ, & promiscue dici, et statui fluminum propinquitatem insalubrem esse, sed Celsus peculiariter loquebatur de his, qui stomacho sunt imbecilli, & Hippocrates de victus ratione per æstatem obseruanda; monebat enim Soles vitandos, & frigora tum matutina, tum vespertina, quæ flumina, aut stagna, aut niues exhalant: non quia vitiosum, & insalubrem simpliciter aerem efficiant, sed quia per æstatem calida corpora non absque periculo in locis frigidioribus versantur. Nec Strabo dixit (si mentem eius inspicias

spicias diligenter) Pastum insalubre ob fluminis propinquitatem, sed ob paludes potius propinquas, in quas refundebatur fluvius, & regerebatur: quod de urbe Roma dici non potest. Nec difficile est interpretari consilium illorum, qui per æstatem, et Autumnum Roma esse nolunt: trahit enim illos sæpenumero villarum amenitas, & recreandorum animorum honesta, & laudanda cupiditas: Neque Horatius veritus est ea de causa inuitare Augustum ut sumum fugeret, strepitumq. Roma, & nonnumquam altiore consilio alij caussati quidem sunt aeris insalubritatem, sed abierunt, ut Summi Romani Pontificis seueritatem declinarent, quod factum est præsertim sedente Urbano eius nomine Sexto.

De senibus verò, quos paucos dicunt Roma reperiri, duo sunt exponenda: Verè ne dictum sit, pauciores hic senes esse, quam alibi, atque si ita res habet, hoc ab aeris vitio, an aliunde profisciscatur. quod ergo ad numerum attinet senum, hoc constat, ubique paucos reperiri senes. quia plerique ante senium decedunt: quod si ætates annorum numero definire velimus, & senes vocemus, qui annum superant quinquagesimum, hos innumeros tam Romæ, quam alibi reperimus; Si senes tantum dicere velimus, decrepitos, hoc est ultra annum septuagesimum, & octogesium, hos ubiq. paucissimos videre est, et qui de longævis scripsere, operæpretium putarunt non eos tantum, qui annum centesimum superarunt, commemorare (qui sanè ubique rarissimi reperiuntur) sed nonagenarios, et octogenarios: Sic enim Hieronè vixisse aiunt annos nonaginta duos, & Platonem octoginta annis cum

cum utrūq; cum longeuū adnumerēt. Cuius etatis homines
 Romæ numquam defuerunt iam inde ab eius origine; quan-
 do Numam, & Tullū reges octogenarios, & Tarquinium
 item Regem nonagenario paullo maiorem inter lōgæuos Lu-
 cianus memorat. M. V arro, vt de se ipse scripsit, anno octo-
 gesimo scribebat libros de re rustica: M. Cato annos natus
 octuagintaquinque excessit è vita (vt est à M. Tullio pro-
 ditum) ne Perpenam memorem, qui vixit nonaginta octos
 & M. Valerium Coruinum, & Metellum Pontificem, qui
 centum annos vixerunt: Pollio Romulus centesimū annum
 excessit, ille, qui rogatus ab Augusto, quam ratione maxi-
 mè vigorem illum animi, corporis que custodisset, respondit.
 Intus mulso, foris oleo. memorat quoq; sœminas, vt Liniam
 Rutilij, quā seruit excessisse annos nonaginta octo, Statiliā
 nonaginta nouem, Terentiam Ciceronis centum & treis, Clo-
 diam Ofilij centum & quindecim, Luceiā mimam, quæ an-
 no centesimo pronuntiauit in Scena, Galeriam Copiolam,
 quæ producta est in scena agens annum centesimū quartum:
 Samullam, quam Plinius, Asconio Pediano auctore, scri-
 psit, vixisse annos centum & decem. Neq; huic seculo de-
 sunt, qui in amplissimis dignitatibus (quod est difficillimū)
 annum octogesimum exceßerunt: vt Gregorius XIII.
 Pont. Max. qui obiit anno etatis octogesimo quarto, Paul-
 lus Quartus, qui vixit annos octoginta tres, & Paullus
 Tertius, qui vixit annos octoginta vnum: Viuuntq; ho-
 die multi ex patritiorum quoque numero, qui excessere an-
 num octogesimum: quod si inferioris ordinis homines excus-
 seris, et plebem ipsam, incides facile in aliquem cētenarium,

nedum nonagenarium : atq; adeo intelliges Romam eisdem natura muneribus, ac iuribus frui, quibus vrbes fruuntur alia, de quarum salubritate non dubitatur : Quod si tandem, pauciores in vrbe senes reperiri contenderis, esto vis lubet, quae caussa? non aer; sed viuendi ratio duplici praesertim nomines nam, vt in vrbe opulenta, & luxus plurimos perdit, & voluptas; nec minus obest honorum cupiditas, & ambitio. His enim de causis multi tantum à salubri vietus ratione aberrant, vt & senescant celeriter, & moriantur propterea visus est mihi Alexander Petronius rectè existimasse, cum libro quinto de victu Romanor. scripsit, si quis aptam viuendi rationem seruauerit, victurum non modo annos septuaginta, sed centum, & plures, & testatus est à se cognitum, qui vixerat annos centum & quinque, & alterum, qui centum & vndecim, & tertium, qui centum & vigintiunum; vixit autem ipse Alexander annos octoginta & vnum, diutius victurus, si potuisset illa vitare incommoda, quae morbum grauem, & curationi rebellem induxerunt, qui morbus eum toto postremo quadriennio detinuit. scripsit autem lib. 3. de victu Rom. c. 24. paucos esse in vrbe senes, non ob aeris insalubritatem, sed quoniam plerique sunt in iuuentute, & reliqua vita intemperantes.

De accedentibus autem ad urbem dicturus, accipiam primo, vulgatam esse opinionem, eidem periculo obnoxios esse recedentes, atque accedentes, sed non toto anno, Verum per aetatem dumtaxat, quapropter multi magna religione dicam, an superstitione observant hoc quasi praeceptum, siue regulam: Aestate scilicet neque veniendum ad urbem, neq;

ex eadem recedendum : tametsi non leuia sunt contra hanc opinionem argumenta . Nam qui huc accesserunt , iter vel longum , vel breue peregerunt . Ex longo itinere non est mirum aliquos , itinere peracto , agrotare , & interire , aer licet Romanus insalubris non sit : namque locorum mutationes , & vitus aegritudines pariunt , ut libro de octimestri partu scriptum est ab Hippocrate . & quemadmodum sola celi mutatio , in deterius licet , nonnumquam sanat , ut legere est in Corn. Celsi lib. 2 . c. 1 . (pessimum , inquit , calum est , quod egrum fecit , adeo ut in id quoque genus , quod natura peius est , in hoc statu , salubris mutatio sit) ita in melius mutatio nonnumquam insalubris potest esse . Sed hac est omnibus regionibus communis ratio : nec est propterea calum Romanum accusandum . cui accedit , in longis itineribus errata committi multa , quae iter facientes fatigant , & morbis obnoxios reddunt , quibus etiam , itinere peracto , capiuntur : ac , si longius iter peragendum fuisset , in ipso itinere capi potuissent : ut multi quoque in diuersorijis , & hospitijis , ante perfectum iter , perierunt , quod nemo ignorat . Aegrotant etiam aliqui ob subitam mutationem à labore , motu , & agitatione ad multam quietem , ut recte notatum est ab Alexandro Petronio lib. 4 . c. 21 . de vitu Roman . Sed & aliqui ob solam aeris mutationem agrotant (fateor) sed non aeris vitio , verum peculiari contrarietate , & naturali quodam , priuataq . inimicitia , quae non in omnibus , nec in plerisque (quippe non ab aere) sed in paucis reperitur . Alij demum ob insuetos tum cibos , tum potus , & (vno verbo) ob mutatam vitus rationem ab Hippocrate indicatâ mor-

bis capiuntur: quæ ad aeris salubritatem, vel insalubritatem non pertinent, nec Romani aeris propria, sed omnibus regionibus communia sunt: quod est, & ipsum notissimum. Accedit, quotidie per æstatem multos Romam accedere, & ex ea recedere, ex tantoque numero paucissimos morbis corripì. postremo quædam etiam sunt annorum constitutiones (ut ante quoque indicaui) in quibus locorum sunt mutationes magis, aut minus salubres. quapropter, qui tam facile de aeris Romani salubritate diiudicant, videtur ad illos dixisse Aristotel. πρὸς ὁλίγα βλέποντες πᾶσι ἀποφάνυσσι; Hæc. de longis itineribus dicta sunt. ex brevibus autem idem timere periculum, videtur esse hominis studio bonæ valetudinis intemperanter abutentis, constatq. tota æstate Roma Tibur, Tibure Romam iri, Roma Tusculum, Tusculo Romam nullo prorsus bonæ valetudinis detrimento. Qui in huiusmodi mutationibus in ægritudines incurrunt, hos reperies alijs potioribus de causis ægritudini obnoxios fuisse, & egrotasse. Cur autem pari loco habeant discessum Roma, atque ad eandem accessum, non satis percipio. Si namq. aer insalubris est, deferi quocumque debet tempore, ac magis, cum insalubrior existimatur. hæc sane paritas nullo auctore iactatur. Ratio quoque infirma, tā esse timendā migrationē ex insalubri in salubrē, atq; ex salubri in insalubrē. immo e contrario, in omni naturæ parte mutatio ad meliora plerumq; saltē probatur. accedit, iam satis (ut arbitror) demonstratum esse, aerem Romanum insalubrē non esse. At (inquiēt) nititur vulgata opinio experimētis. Sed paullo ante aperte satis indicatum est, aliar esse evidē-

euidentiores, & efficaciores morborum his, qui peregre profisciscuntur, caussas, quam aeris vitium.

Postremum erat, nescio an ioci gratia propositum argumentum; Multos Romæ medicos esse; ergo & morbos esse multos; & idcirco aeris insalubritatis suspicionem aueris. Verum hic illud esset prius definiendum, sint nē Romæ medici multi, quia necessarij omnes, an quia Vrbe ipsa indigeant, & sportulis multi, speq. magis, quam pane nutriantur? Sed sint multi necessarij, vt verè sunt; ergo morbi multi; rectè, sed eò non efficitur, aerem damnandum, quoniam morborum, qui Romæ fiunt, vel communes, vel proprij, causæ sunt alie manifestæ; cibus, potus, somnus, Venus, labor, vltra mediocritatem ab Hippocrate probatam; Neque par est ratio legum, & medicorum, multa leges, ergo, multa crimina, rectè, multi medici, ergo multi morbi, non efficitur; nam leges singula pro singulis criminum generibus necessario statuuntur; at singulis morborum generibus non est opus singulis medicis; quia vnus omne genus morbi potest curare; Et euenit aliquando, Medici vt sint plures, quam egroti.


F I N I S.

EIVSDEM AVCTORIS C A R M E N.

HIS Ego tentabam vanos de mentibus, ultor
Mendacis fama, sensus, vanumq. timorem;
Vt sua Romano constaret gratia Celo;
Vellere, tu interea diu ALDOBRANDINE (Senatus
Grande decus sacri, & Romana gloria pubis)
Ter magni curas patriui, minusq. labores,
Atque studes primum, enixe & contendis amatam, ac
Criminibus foedam infandis, lustrarier Urbem,
Expertam nuper crudelia funera, nobis
Credita vix, queis Scylla ferox, & saevus Agyrtes,
Impius atque Typhon, Rhasusq. infamis habetur;
Non Eriphyle & na ostendet iam vulnera nati,
Non semel inuisi fratres, natiq. patresq.
Dicentur posthac (nec sunt ea crimina Cali
Romani, sed quisque volens sibi retia fingit
Queis capitur, sibi quisque dolos meditatur, & arte
Sape sua moritur) diras auercite pestes
Sancte pater CLEMENS, et tu spes altera PETRE,
Dent fontes scelerum penas, maneant sua dignos
Præmia (quod facitis) nam prisca, et auita Quiritum
Pectoribus virtus vestro rediuiua virescet
Munere, quo iam & dicta magis, quam visa, redibunt
Tempora, Saturno (ut fama est) iegnata, nec vlla
Præclarum nomen reticebunt secula vestrum.



ORTVS



OCCASVS

MEDIES

MVTIO MATTHAEIO
FELICI AMERICIO
MVTIO BVFALO

Almæ Vrbis Conseruatoribus



Marsilius Cagnatus S. P. D.



VOD faustum, felix, fortunatūq; sit S. P. Q. R. cum saluberrimus annus (si multis alijs comparetur) Tiberis inundationem portentosam (vt vulgus opinatum est) secutus sit, licuit mihi, exacto annuo interpretandi labore, his æstiuis diebus paullo liberius otio frui litterario. atque interim, cum amicos nonnullos sæpe audierim repetere illam, quam habui de dictæ eluuiōis minis, opinionem; quas nihili æstimandas iudicaui, & scripsi in ea, quæ paucis ante mensibus à me edita est, de inundatione Tiberis disputatione; tacita quadam hortatione sum adductus ad id præstandum, quod amicis item quibusdam aliquando fere pollicitus eram; atque adeo de Romani aeris salubritate præsentem commentariolum exaravi, quo vulgarem de eiusdem insalubritate aeris opinionem vel conuellerem, vel vtcumq; labefacterem. quod tam gratum futurum, quam potest esse vtile, P. R. mihi persuaferam. Hoc quidem feliciter mihi contigit, vt vobis Coss. hæc me prouiderentur: quos vt peculiari quadam obseruantia colo, ita mei studiosos esse, non obscuris argumentis intellexi. quapropter fuit optandum, quod euenit, vt aliqua ratione meam cum erga vos, tum erga S. P. Q. R. voluntatem significarem, eiusdemq. voluntatis publicum tandem aliquod monumentum exstaret. Valere Romæ Idibus Augusti.

I N D E X . R E R V M,

Quæ in hoc commentario continentur.



A.

- A**ccedentium ad urbem, & recedentium paucissimi morbis capiuntur. 13
- Aegri Romæ vberius nutriuntur. fol. 38
- Aer grauis suos statò tēpore producit morbos. 24.25
- Aer inclusus aquæ stagnanti similis. 20
- Aer Romanus varius, in constans. fol. 11
- Aer Romanus, vide Romanus aer & Romanum cælum.
- Aerē esse animam, veteres putarunt. 5
- Aeris grauis propriæ nō sunt Romæ ægritudines. 25
- Aeris mutatio noxia quædam ob peculiarem contrarietatem & priuatam inimicitiam. 51
- Aeris salubritas commēdata. 5.6
- Aeris varietas, siue inæqualitas non omnis *damnāda*. 44. & inde.
- Aestate neque veniendum ad urbem neq. recedendum putatur. fol. 50
- Alexandri Petronij laudata sententia de vita longa. 59
- Alexander Petronius - Francisci e Nursia opinionem amplexus est. 59
- Alexandri Petronij observatio de caligine Romæ. 31
- Alexātri Petronij de causis morborum Romæ vernaculorum. 19.37.
- Alexandriæ Aegypti aer innoxius, & cur, à Strabone dictus. 32
- Alimenta quæ plus alant. 40
- Alimēta inter se loci ratione differunt. 40.39
- Alimenta locis riguis nata leuius nutriunt. 11
- Alimenta Romæ nutriunt minus, qua de causa. 11.34
- Alimēta Romæ nutriunt debilius non aeris Romani vitio. 38
- Animam esse aerem veteres putarunt. 5
- Annorum, & dierum similitudo. 44.
- Annis quibusdam mutationes insalubres. 52
- Annorum plurium salubritas, & insalubritas describitur. 21
- Annus salubris quis dicatur. 12
- Artuum dolores non sunt Romæ vernaculi. 37
- Asclepiades de catalepsi. 36
- Athenis triticū minus alebat, quā in Beotia. 40
- Autumnus cur perniciosus. 45
- Autumni non est propria inæqualitas. 44

H

Ca-

I N D E X.

C.

Caligines Romæ sunt, sed nō
est peculiare eius vitium. 10
Caloris, frigorisq. eadem die suc-
cessio quæ naturalis, & salubris
45. quæ insalubris. 46
Capua melius extructa, quam ve-
tus Roma. 14
καπλις, vide comprehensio.
Cauniorum vrbs in Caria in salu-
britate. 25
Celsus de aura magnorum flumi-
num. 47
Cæli Romani insalubritatem vi-
dētur morbi varij significare.
10.
Cælum Romanum destillationib.
obnoxium. 7
Cælum Romanum humidum, cras-
sum, densum, quomodo probe-
tur. 11
Climata temperatissima. 17
Comprehensio Græce καπλις,
non fuit morbus Romæ ver-
naculus. 16
Comprehensio morbi genus. 16
Contagij mentio apud Liuium.
33.
Conuallis quid. 42

D.

Destillationes Romæ omnes nō
ab aere sed ab alijs causis.
18.
Dierum, & annorum similitudo.
44.
Domus olim Romæ pulcerrima.
14.

E.

Epidemici morbi. 17
Επιδεμici morbi. 17
Επιδεμici, & Επιδεμici morbi. 37
Επιδεμici morbi. 37

F.

Fama de aeris Romani insalu-
britate. 12
Femina quædam Romæ longæva.
49.
Fluminum propinquitās aeris in-
salubritatem non inducit. 47
Franciscus e Nursia primus Ro-
mæ vitiosam victus rationem
animaduertit. 18
Frigoris, vide, caloris.
Friges locis quibusdam melius
seruantur. 41
Frugum differentia vnde. 40

G.

Galeni de cælo Romano opi-
nio. 28
Galenus de cælo Romano locus in
5. lib. methodi perpenditur. 8
Granaria cuiusmodi triticum ser-
uent. 41
Grosetum vrbs in agro Senensi
gravi aere. 25

H.

Hippocrates de frigore ex
fluminibus. 42
Hispani cur Romæ plus comedāt,
quam in Hispania. 10
Hi-

I N D E X.

Hispani Roma in Hispaniam re-
uersi multi cur breui morian-
tur. 12

Horrea, vide Granaria.

L.

L Næqualitas non est Autumni
propria. 44

Inæqualitas siue varietas aeris nõ
omnis damnanda. 44

Inconstantia Romani aeris salu-
taris. 44

Incubus non est Romæ vernacu-
lus. 37

Inferiora loca insalubrius habi-
tantur. 29

Italiam Strabo cõmendat ob me-
diocritatem. 27

Iter breue minus noxium quam
longum. 52

Iter longum periculosum. 51

L.

L Atium felix à Strabone dictũ.
26.

Longzui quidam habiti. 48.49

M.

M Lepidi domus pulcerrima.
14.

M. Tullius de vrbe Roma. 14.19

Maritima loca vitantur æstate. 27

Matronarum frande pestem ali-
quando Romæ ortam. 31

Medici Romæ multi. 12.33

Montium Romæ incolæ non ægro-

tant, proprio aeris Romani
vitio. 43

Montium Romæ habitatio in salu-
bris. 11

Morbi Romæ à veteribus auctori-
bus, & recentioribus obserua-
ti. 9.10

Morborum, qui Romæ fiunt, causæ
quædam. 37.33

Mortalitas dicta est pestis à qui-
busdam. 33

Mutatio crebra in contraria non
facile fertur. 11

Mutatio in contrarium non om-
nis damnata. 44

Mutatio in deterius nonnũquam
salubris, & contra. 51

Mutatio subita periculosa. 47.51

Mutationes locorũ & victus mor-
bos pariunt. 51.

N.

N Eapoli Vberius ægri nutri-
untur quam Romæ. 18

P.

P Aestum oppidum cur insalubre
12.48.

Pestilentia Romæ nostro seculo
non grassatur. 32.36

Pestis improprie crebra est Romæ
33.34.

Pestis proprie dicta nõ semper ab
aere orta est Romæ. 34

Pestis proprie dicta Romæ non
adeo frequens. 33

Pestis Romæ à siccitate. 34

Pestis Romæ quando frequens. 2

Pestis vocabulum, quid proprie
H a significet

I N D E X:

significet. 32.33
 Pituita a fatietate. 28
 Plinij locus de vrbe Roma. 14
 Plutarchi locus male acceptus a
 Lapo. 19
 Pluuiæ æstiuæ non semper noxiæ.
 20.
 Podagra non est Romæ vernacula.
 37.
 Prædicere futuros morbos diffici-
 le est. 46
 Prædicere morborum genera non
 est difficile. 46
 Principes viri æstate, & autumnò
 Roma discedunt 12. cur. 48

R.

R Auennæ aer grauis a Strabo-
 ne dictus, ac quomodo emē-
 detur. 26
 Regio, in qua crebro & magnope-
 re tempora mutantur ab Hippo-
 crate damnata. 11
 Regio quæ salubris. 20
 Regionem, in qua quisque versa-
 tur, obseruare debet. 6
 Regionis rationem habendam
 Hippocrates docuit. 6
 Roma æstate & autumnò cur a
 quibusdam deferatur. 48
 Roma bono consilio in eo situ, in
 quo est ædificata. 18
 Roma cur Galeni tempore humi-
 da. 28
 Roma discedere atque ad eādem
 accedere non esse paria. 12
 Roma status omneis admittit.
 42.
 Roma in Italia, est cordis instar
 in animalibus. 18

Roma in Italiz medio posita. 15.
 17.
 Roma in medio est quinti cli-
 matis. 17
 Roma non est conuallis. 41
 Roma non minus aquilonia quam
 australis. 42
 Roma Nouilunio ædificari cap-
 ta. 19
 Roma nullo morbi proprio gene-
 re laborat. 24
 Roma nunc alia, quam Galeni se-
 culo. 28.
 Roma olim male disposita. 14
 Roma recedentes existimatur æ-
 que, atque accedentes peri-
 clitari. 30. dubium hoc esse. 32
 Roma vere medio condita. 19
 Romæ ægros alendi ratio optima
 38.
 Romæ alias ægri parçissime nu-
 triebantur. 38
 Romæ aliquando quinque annis
 senatorem nullum mortuum.
 27.
 Romæ conditores veneri commē-
 dados. 26
 Romæ longitudo, & latitudo. 15
 Romæ nouæ pulcra, & salubris
 dispositio. 15
 Romæ pestis, quando frequens.
 9.
 Romæ præfens dispositio salu-
 brior, quam verus. 15. 29.
 Romæ qui habitant, sani sunt, &
 speciosi, &c. 26
 Romæ situs opportunitas. 18
 Romæ situs vetus & recens. 13
 Romæ temperies. 20
 Romæ temporum variæ constitu-
 tiones. 32
 Romæ

I N D E X.

- Romæ vberius ægri nutriuntur quemalibi. 10.38
 Romæ veteris dispositio minus laudata. 14
 Romam salubrem esse, concluditur ex Strabonis auctoritate. 27.
 Romani aeris inæqualitas perniciofa non est. 46
 Romani aeris notata inconstantia salutaris est 44
 Romani aeris in salubritatis apud veteres auctores nulla suspicio. 26
 Romanum cælum destillationibus obnoxium. 7.8.cur.9
 Romanum cælum humidum, crassum densum, quomodo probetur. 11
 Romanum cælum non est simpliciter calidum, & australe. 31.
 Romanum cælum non est simpliciter crassum, & densum. 30.31
 Romanum cælum vergit ad humidum, sed non ut producat morbos vernaculos. 30
 Romanus aer varius non tamen insalubris. 46
- S.
- Sanguinis spurum non est Romæ vernaculum. 37
 Satietas Romæ multa. 28
 Semitertiana non est Romæ vernacula. 37
 Senes an pauci Romæ sint. 48
 Senes paucos Romæ non ob aerem esse. 50
 Senes Romæ pauci. 11
- Strabo de Caunijs, 11.de Latio, 26
 de Rauenna, 26.de Alexandria, 27.de Italia. 27
 Strabo de fluminis propinquitate 12.48.
 Strabo de consilio ædificatorum vrbis, non recipitur. 18
 Strabo de Romani aeris, in salubritate nihil. 26
 Strabo studiosus notandi loca insalubria. 26
 Stratonici dictum de Caunis 25
 Sueponij locus de vrbe. 14
 Superiora loca salubrius habitantur. 29
- T.
- TAbes Romæ propria non est. 37.
 Tarutij Mathematici de vrbis natalibus. 19
 Temperatum aliqui vocant calidum, & humilum. 41
 Temperies bona vel mala ex quibus dignoscatur Strabone auctore. 27
 Temporum variaz constitutiones Romæ. 32
 Theophrasti de alimentis documentum. 40
 Tiberis exhalatio in salubris. 11.
 quomodo. 47
 Tiberis opportunitas. 18
 Triticum Athenis miuus alebat, quam in Bzoria. 40
- V.
- VAllis quid sit. 43
 Varietas siue inæqualitas aeris non omnis damnenda. 44
- Va.

I N D E X.

Varietatem aeris laudauit Hippocrates.	47	10. 37.	Vernaculi morbi omnibus annis fiunt, & omnibus temporibus.
Varronis experimentum de aeris salubritate.	30	37.	
Vaticani infalubritas. 11. vt accipienda.	41	18.	Viétruii de vrbsitu sententia.
Venientium ad vrhem multi moriuntur.	13		Victus ratione sola multi à destillationibus Romæ liberantur.
Venti omnes Romæ spirant.	43	28.	
Vere medio Roma condita.	19		Vrbis Romæ situs verus, & recens.
Vernaculi morbi a vulgaribus differunt.	37. 37		Vulgares morbi non omnes vernaculi.
Vernaculi morbi non omnes ab aere.	37		Vulgares morbi Romæ proprii non sunt.
Vernaculi Romæ morbi a multis causis de Petronij sententia.			34

F I N I S.





Errata, et si non grauiā, sic tamen corrigenda.

<i>Pagina</i>	<i>6</i>	<i>vers. 26.</i>	<i>laquor, lege, labor.</i>
	13	22.	<i>ut locus, ut lacus</i>
	21.	2.	<i>ab anni ob anni</i>
	22.	2.	<i>multa multa</i>
	26.	8.	<i>iniurias iniuria</i>
	29.	9.	<i>uiuarijs uinarijs</i>
	16.	28.	<i>intera interna</i>
	30.	14	<i>hunorum humorem</i>
	31.	8.	<i>astuosius astuosus</i>
	33.	25.	<i>agrosq. agrosq.</i>
	46.	22.	<i>parti parte</i>
	48.	8.	<i>Augustum Macenatem</i>
	52.	28.	<i>aliar alias</i>
<i>In figura Roma MEDIES lege MERIDIES</i>			



R E G E S T V M:

A B C D E F G H.

Omnia sunt folia integra.



R O M A E.

Ex Typographia Aloysij Zannetti. M. D. XCIX.

SVPERIORVM PERMISSV.